


風陵文庫
文庫19
F 1
2



附釋音周禮注疏卷第三

泰西圖氏
國同精同

鄭氏注

賈公彥疏

小宰之職掌建邦之官刑以治王宮之政令

凡宮之糾禁

杜子春云宮皆當為官玄謂宮刑在王宮中者之刑建明布告之糾猶割也察也若

今御史中丞○官刑

疏

注杜子至中丞○釋曰後鄭以宮刑官中之刑不從子春官刑者見

秋官司寇已云四曰官刑此小宰不徃貳之則不須重掌又

見下文觀治象乃退以官刑憲禁于王宮故知官刑明矣云

建明布告之者上冢宰尊所云建六典之等為建立之義小

宰卑云建者則明布告使知而已云糾猶割也察也者既言

糾謂糾舉其非事已發者依法斷割之事未發者審察之云

若今御史中丞者應劭云秩千石朝會獨坐副貳御史大夫

內掌蘭臺圖籍外督刺史

糾察百寮故舉漢法況之

掌邦之六典入灋入則

逆迎受之鄭司農云貳副也○

之貳以逆邦國都鄙官府之治

農云貳副也○

治直吏反下疏掌邦至之治。釋曰：大宰本以六典治邦，及注皆同。國今還以六典逆邦國之治，逆謂迎受。考之也，大宰本以八法治朝廷官府，今還以八法考都鄙之治。皆之治，大宰本以八則治都鄙，今還以八則考都鄙之治。皆過所使知功。疏執邦之九貢九賦九式之貳，以均

財節邦用。疏執邦至邦用。釋曰：此三者並大宰所

賄九式用之事之大者，故小宰副貳之。然大宰有九職，小宰不貳之者，以其九職云任萬民，小宰若云貳謂任使亦貳之。故不言其實，九職任之使之出貢用之，則小宰亦貳之。九貢中兼之矣，以其九職亦有九貢，故也以均財節邦用者，以九式並舊有法式多少，不得增減，故云均節也。

以官府之六敘正羣吏。一曰以敘正其位，二曰以敘進其治，三曰以敘作其事，四曰以敘制其食，五曰以敘受其會，六曰以敘聽其情。疏敘秩次也，謂先尊後卑也。治功狀也，食祿之多少，情爭訟之辭。○爭

爭鬪疏以官府至其情。○釋曰：凡言敘者皆是次敘，先尊後卑各依秩次，則羣吏得正故云正羣吏也。○日以敘正其位者，謂若卿大夫士，朝位尊卑次列。○二曰以敘進其治者，謂卿大夫士有治職功狀，文書進于上，亦先尊後卑也。○三曰以敘作其事者，謂有所執掌起事，亦先尊後卑也。○四曰以敘制其食者，謂制祿依爵命授之，亦先尊後卑也。○五曰以敘受其會者，謂歲終進會計文書受之，亦先尊後卑也。○六曰以敘聽其情者，謂情實則獄訟之情，受聽斷之時亦先尊後卑也。○注敘秩次也。○以官府之六釋曰：云秩次者，謂尊卑之常各有次敘也。

屬舉邦治。一曰天官其屬六十，掌邦治大事，則從其長，小事則專達。二曰地官其屬六十，掌邦教大事，則從其長，小事則專達。三曰春官其屬六十，掌邦禮大事，則從其長，小事則專達。四曰夏官其屬六十，掌邦政大事，則從

其長小事則專達五日秋官其屬六十掌邦
刑大事則從其長小事則專達六日冬官其
屬六十掌邦事大事則從其長小事則專達

大事從其長若庖人內外饗與膳夫共王之食小事專達若
官人掌舍各為一官六官之屬三百六十象天地四時日月
星辰之度數天道備焉前此者成王作周官其志有述天
授位之義故周公設官分職以法之。達于云達決也。
以官府至專達。釋曰六屬舉邦治者謂官盛任使立長官
必當以屬官佐之邦治得舉是以六官各有其屬六十故云
官府之六屬舉邦治也。一日天官謂大宰之官其屬六十謂
官正至夏采皆掌治職故云掌治也。云大事則從其長者謂
若膳夫鄭注云膳夫食官之長也則下庖人內外饗亭人有
事皆來諮白膳夫故云大事從其長也。小事則專達者謂若
官人掌舍無大事無長官可諮自專行事以下五官皆此類
也。注大事至法之。釋曰云大事從其長者庖人內外饗
與膳夫共王之食者此並共王食是同事故庖人已下諮膳
夫長官也。云小事專達者若官人掌舍直掌王之行設榘極

之等二官並是小事又不立長官當官行事故云各為一官
是專達也鄭直舉天官之內其事顯者各言其一餘官若大
府鄭云治藏之長地官司市鄭云市官之長春官大司樂鄭
云樂官之長夏官司甲鄭云兵戈盾官之長如此之類其事
甚多不可具陳也小事則專達天官甚眾亦不可具言也云
六官之屬三百六十象天地四時日月星辰之度數者依周
禮七曜皆云周天三百六十五度四分度之一舉全數亦得
云三百六十也言地則與天配合四時言周天亦是地之數
十二月亦是周天之數日月行一度月日行十三度十九分
度之七日月所行亦在周天之數星辰謂二十八宿十二次
亦在周天數內皆不離三百六十五度四分度之一耳天地
四時日月星辰之度數所從言之異耳故尚書洪範云五紀
一曰歲二曰月三曰日四曰星辰皆別言之下以歷數摠結
之亦是類也云天道備焉者以此三百六十官是天道備矣
云前此者成王作周官其志有述天授位之義者鄭依書傳
云周公攝政三年踐奄與滅淮夷同時又按成王周官成王
既黜殷命滅淮夷還歸在豐作周官則成王作周官在周公
攝政三年時周公制禮在攝政六年時故云前此者謂成王
前於此時作周官其志謂成王志意有述天授位之義即彼
周官云唐虞稽古建官惟百夏商倍之今予小子訓迪厥官

以立大師太傅太保茲惟三公論道經邦燮理陰陽下又云
立三孤及天地四時之官是其志有述天地三百六十官位
之義故周公設官分職法之也此鄭義不見古文尙書故爲
比解若孔據古文尙書多士已下並是周公致政後成王之
書周公攝政時淮夷奄奄與管蔡同作亂成王即政後又叛成
王親征之故云滅淮夷還歸在豐作周官用人之法則彼周
官在此周禮後

以平邦國以均萬民以節財用二曰教職以
安邦國以寧萬民以懷賓客三曰禮職以和
邦國以諧萬民以事鬼神四曰政職以服邦
國以正萬民以聚百物五曰刑職以詰邦國
以糾萬民以除盜賊六曰事職以富邦國以
養萬民以生百物

懷亦安也賓客來共其委積所以
安之聚百物者司馬主九畿職方

制其貢各以其所有。委於
偽反下。賜委同。積子賜反。疏
以官至百物。釋曰云以
者各有職。若天官治職。地官教職。其職不同。邦事得有分。辨
故云以辨邦治也。一曰治職者謂以平爲義也。云以節財
用者亦以制國用故也。二曰教職以安邦國以寧萬民者
安邦國與教典同。彼云擾萬民此云寧萬民。不同者上擾爲
馴馴則寧義無異也。云懷賓客者以有委積故賓客懷安也
三曰禮職以和邦國以諧萬民者此與上禮典同也。云以事
鬼神者以其主祭祀當職之事也。四曰政職以服邦國以
正萬民者上政典云平邦國均萬民。不同者服由平定使之
然則服亦平也。均與正義亦一也。云以聚百物者鄭云司馬
主九畿職方制其貢。貢即百物也。五曰刑職以詰邦國以
糾萬民。此與上刑典文同。云除盜賊者有寇則罪之盜賊得
除故云除盜賊也。六曰事職以富邦國以養萬民者上事
典以生萬民則養也。與上同。此六職不云官府百官與六
典不同者以六職皆當職行事義不及遠。故與六典文異也
。注懷亦至所有。釋曰教典共其委積者大司徒下有遺
人掌十里有廬廬有飲食之等故云共委積也。云司馬主九畿
并引職方者司馬主九畿無
貢物之事故引其屬職方也

以官府之六聯合邦

治一曰祭祀之聯事二曰賓客之聯事三曰
喪荒之聯事四曰軍旅之聯事五曰田役之
聯事六曰斂弛之聯事凡小事皆有聯

鄭司農云大祭祀大宰贊玉幣司徒奉牛牲宗伯視滌濯灌玉鬯省牲
鑊奉玉盥司馬羞魚牲奉馬牲司寇奉明水火大喪大宰贊
贈玉舍玉司徒帥六鄉之衆庶屬其六糾宗伯爲上相司馬
平士大夫司寇前王此所謂官聯杜子春弛讀爲施之謂荒
政弛力役及國中貴者服公事者老者疾者皆舍不以
力役之事奉牲者其司空奉豕與。弛戶氏反劉本作施音
弛杜作施音利又音類劉勅亮反鑊戶郭反盥音資鄉音
香屬其音燭紉徐音肩劉音引木或作引相息亮反豕與音
餘。疏以官府至有聯。釋曰云以官府之六聯合邦治者
故云合邦治也。一曰祭祀之聯事三日喪荒之聯事此二
者鄭注其以二者顯著故特言之。二曰賓客之聯事者
鄭雖不言案大宰大朝觀會同贊玉幣玉獻大司徒令野脩
道委積大宗伯朝觀會同則爲上相大司寇云凡朝觀會同

前王唯大司馬不見有事司空又亡。四曰軍旅之聯事者
以六軍軍將皆命卿田役亦然且大司徒云大軍旅大田役
以旗致萬民大司馬云大師建大常比軍衆中春教振旅之
事。六曰斂弛之聯事者並大宰任九職九貢九賦司徒制
貢小司徒令貢賦若通數小官則多矣云凡小事皆有聯者
謂司關云掌國貨之節以聯門市之類是也。注鄭司至豕
與。釋曰司農雖解祭祀及大喪二事皆不言司空司空亡
故也大祭祀唯大宰尊不奉牲宗伯不言奉雞司馬直言奉
馬不兼言奉羊司寇不言奉犬皆略不言可知杜子春引讀
爲施者若依施施是施惠事不必連若爲弛則於事廣矣故
後鄭不從之玄謂荒政弛力役者此經二曰喪荒荒謂年穀
不熟大司徒有荒政十二其中四曰弛力弛力役謂廩人歲
不能人二釜則令移民就穀是時弛力役也鄉大夫云國中
貴者謂有官爵者賢者謂有德行者服公事者謂若庶人在
官者老謂國中六十者疾者謂癯疾不堪役者皆舍不以力
役之事也云奉牲者其司空奉豕與者司空雖亡案五行傳
云聽之不聰則有豕禍豕屬北方又說卦云坎爲豕
是豕屬水故知司空奉豕無正文故云與以疑之也

官府之八成經邦治一曰聽政役以比居二

曰聽師田以簡稽三日聽閭里以版圖四曰

聽稱責以傅別五日聽祿位以禮命六曰聽

取予以書契七曰聽賣買以質劑八曰聽出

入以要會鄭司農云政謂軍政也役謂發兵起徒役也

伍藉發軍起役者平而無遺脫也此地為伍因內政寄軍令以

閭也稽猶計也合也合計其士之卒伍閭其兵器為之要簿

也故遂人職曰稽其人民簡其兵器國語曰黃池之會吳陳

其兵皆官師擁鐸拱稽版戶籍圖地圖也聽人訟地者以版

圖決之司書職曰邦中之版土地之圖稱責謂貸予傅別謂

券書也聽訟責者以券書決之傅傅著約束於文書別別為

兩兩家各得一也禮命謂九賜也書契符書也質劑謂市中

平賈今時月平是也要會謂計最之簿書月計曰要歲計曰

會故宰夫職曰歲終則令羣吏正歲會月終則令正月要傅

別故書作傅辨鄭大夫讀為符別杜子春讀為傅別玄謂政

謂賦也凡其字或作政或作正或作征以多言之宜從征如

孟子交征利云傅別謂為大手書於一札中字別之書契謂

出予受入之凡要凡簿書之最目獄訟之要辭皆曰契春秋

傳曰王叔氏不能舉其契質劑謂兩書一札同而別之長曰

質短曰劑傅別質劑皆今之券書也事異其名耳禮命禮

之九命之差等。政役鄭音征可農如字比毗志反注同傅

音附注同別彼列反注同要會古外反凡要會會計之字皆

放此率子忽反下同閭音悅貸他代反著直略反賈音嫁月

平劉疏以官至要會。釋曰以官府之中有八事皆是舊

音病疏法成事品式依時而行之將此八者經紀國之治

政故云經邦治也。一曰聽政役以比居者八事皆聽者舊

事爭訟當斷之也政謂賦稅役謂使役民有爭賦稅使役則

以地比居者共聽之。二曰聽師田以簡稽者稽計也簡閱

也謂師出征伐及田獵恐有違法則當閱其兵器與人並筭

足否。三曰聽閭里以版圖者在大鄉則二十五家為閭在

大遂則二十五家為里閭里之中有爭訟則以戶籍之版

地之圖聽決之。四曰聽稱責以傅別者稱責謂舉責生子

彼此俱為稱意故為稱責於官於民俱是稱也爭此責者則

以傅別券書決之。五曰聽祿位以禮命者謂聽時以禮命

之其人策書之本有人爭祿之多少位之前後則以禮命

書聽之也。六曰聽取予以書契者此謂於官直貸不出子

考故云取予若爭此取予者則以書契券書聽之。七曰聽

取予以書契者此謂於官直貸不出子

考故云取予若爭此取予者則以書契券書聽之。七曰聽

取予以書契者此謂於官直貸不出子

賣買以質劑者質劑謂券書有人爭市事者則以質劑聽之
六曰聽出入以要會者歲計曰會月計曰要此出入者正足
官內自用物有人爭此官物者則以要會薄書聽之。注鄭
司至差等。釋曰政軍政後鄭不從者若軍政自在大司馬
聽之何得在此乎云此居謂伍籍也者即司徒職五家為比
出軍即五人為伍云因內政寄軍令者謂在家五家為比五
比為閭四閭為族五族為黨五黨為州五州為鄉若出軍則
家出一人則還五人為伍是一比長還為伍長領之二十五
人為兩是一閭閭胥即為兩司馬領之以此言之至一鄉出
一軍軍將還是一閭閭大夫為之是因內政寄軍令此管子文彼
云作內政司農云因內政者讀字不同云簡稽士卒兵器薄
書者士卒謂軍別甲士三人步卒七十二人兵器謂弓矢受
牙戈戟皆有簿書故引遂人以證之也云國語曰黃池之會
者吳語吳晉爭長吳人令曰伏兵甲陳士卒百人為徹行頭
官師擁鐸拱稽名籍也先鄭為計謂據名籍計之義合故
引之也云版戶籍者後鄭下注亦云鄉戶籍圖謂民之地圖
故引司書版圖以證之云責謂貸子者謂貸而生子者若今
舉責即地官泉府職云凡民之貸者以國服為之息若近郊
民貸則一年十一生利之類是也云傳傳著約束於文書別者
各得其一二家別釋後鄭不從者名為券書即是傳著於文

書可知後鄭傳別二字共為一事解之云禮命謂九賜也者
後鄭不從者九賜之言出自禮緯含文嘉八命已上乃有九
賜此所聽斷何得取八命已上解之云書契符書也者謂官
券符璽之書此據官予民物何得為符璽之書解之故後鄭
不從也云質劑謂市中平賈今時月平是也後鄭不從者地
官質人云大市曰質小市曰劑若今月平賈不合有兩名故
不從也云月計曰要歲計曰會者官之出入有要會簿書計
管故引宰夫證之也鄭大夫讀傳別為符別後鄭不從又云
傳別故書作傳辨不從古書也云謂政謂賦也賦則口率出
泉且與役同支皆是利稅之事也云凡其字或作政者此經
政役是也或作正者其字或有作正字者或作征者即孟子
云交征利及鄉大夫云皆征之是也云征處多故鄭從征也
孟子交征利者案孟子云孟子見梁惠王曰叟不遠千里
而來亦將有以利吾國乎對曰何以利吾國曰何以利吾
王則曰何以利吾國大夫曰何以利吾家士庶人曰何以利吾
身上下交征利則國危矣引之以證征是口稅之法云傳別
謂為大手書于一札中字別之者謂於券背上大作一手書
字札字中央破之為二段別之云書契謂出子受人之比要
者此予則取予謂若泉府云凡除者祭祀無過旬日喪紀不
過三月及旅師云春頒秋斂賒取官物後還無生利之事凡

要亦是薄書也云凡薄書之最目獄訟之要辭皆曰契者薄書之要曰契即取予以書契是也獄訟之要辭曰契即鄭引春秋傳者是也其春秋王叔氏事在襄十年彼云王叔陳生與伯與爭政晉侯使士甸平王室使王叔氏與伯與合要王叔氏不能舉其契此即獄訟之要辭曰契云質劑謂兩書一札同而別之長曰質短曰劑者案地官質人云大市曰質小市曰劑鄭注大市人民馬牛之屬用長券小市兵器珍異之物用短券言兩書一札同而別之者謂前後作二券戶破之兩家各得其一皆無手書字異於傅別故鄭云傅別質劑皆今之券書也云禮命禮之九命之差等者謂若大宗伯命作伯差等有九是也

以聽官府之六計弊羣吏之治一日廉善二曰廉能三曰廉敬四曰廉

正五日廉瀆六曰廉辨聽平治也平治官府之計有六事弊斷也既斷以六事又以廉為本善善其事有辭譽也能政令行也敬不懈于位也

正行無傾邪也法守法不失也辨辨然不疑惑也杜子春云廉辨或為廉端。弊必毋反治也如字下文治疏以聽至其弛舍同斷丁亂反下同解佳賣反邪似嗟反

釋曰言六計弊羣吏之治者六計謂善能敬正法辨六者不同既以廉為本又計其功過多少而聽斷之故云六計弊羣吏之治也。注聽平至廉端。釋曰云皆以廉為本皆此經六事皆先言廉後言善能之等故知將廉為本廉者絜不濫濁也云善善其事有辭譽也者謂有善事四方令聞辭譽也云能政令行也者謂雖無辭譽所行行政令得行也云敬不懈于位也者謂敬其職位恪居官次也云正行無傾邪也者以其行正直言公正無私也云法守法不失也者謂依法而行無有錯失也云辨辨然不疑惑也者謂其人辨然於事分明無有疑惑之事也杜子春云廉辨或為廉端者經本或為廉端後鄭不從者若為端端亦正與廉正為重故

以瀆掌祭祀朝覲會同賓客之戒其軍旅田役喪荒亦

如之法謂其禮法也戒具七事者令百官府共其

財用治其施舍聽其治訟七事謂先四如之者三也施舍不給役者七事

故書為小事杜子春云當為七事書亦為七疏以瀆至治事。共音恭禮本俱字皆作共可以意求之

言以法掌祭祀已下七者皆是上六聯百官聯事通職者以
其衆官共故經云令百官府共其財用也然六聯之中不言
朝覲會同者以彼賓客中可以兼之以其朝覲會同還是諸
侯賓客之事此七事不言斂弛以其非七事中之大事故退
之在下。注法謂至當共。釋曰言禮法謂七者皆有舊法
依行若九式曰祭祀之式云戒其戒官有事所當共也者此
七事在大宰八法中六曰官法彼在八曰官計上者以其彼
有數故在上此官法無數故退在六計下也。注七事至七
事。釋曰七事先四謂從祭祀至賓客云如之者三也者從
軍旅至喪荒也云施舍不給役上六聯注引鄉大夫國中貴
者老者疾者服公事者是也云七事故事爲
小事者與經不相當故杜子春從經爲正也
凡祭祀贊
王幣爵之事裸將之事
又從大宰助王也將送也
裸送送裸謂贊王酌鬱鬯
以獻尸謂之裸裸之言灌也明不爲飲主以祭祀唯人道宗
廟有裸天地大神至尊不裸莫稱焉凡鬱鬯受祭之啐之奠
之。裸古亂反爲于偽。疏注又從至奠之。釋曰案大宰
反稱尺證反啐寸對反。職云祀五帝贊玉幣爵今此又
云祭祀贊此三者謂小宰執以授大宰大宰執以授王是相
贊助故云又從大宰助王也云將送也裸送送裸謂贊王酌

鬱鬯以獻尸者上云贊玉幣爵據祭天而下引云裸將是據
祭宗廟且上大宰不言贊裸將則大宰不贊之故此注云贊
王酌鬱鬯也云明不爲飲主以祭祀者朝踐已後尸乃飲二
裸爲奠不飲故云不爲飲主以祭祀云唯人道宗廟有裸天
地大神至尊不裸者據大宰祀五帝及大神亦亦加之皆不
言裸此文又裸將在王幣爵之下明宗廟有裸天地無裸且
大宰伯祀天言裸祭社言血享大神不灌者不用降神無妨
用秬鬯必若然天地用八尊者以與宗廟六彝相對爲文鬯人職
以其寡人職天地入尊者以與宗廟六彝相對爲文鬯人職
秬鬯不入彝尊則別有尊矣不言者略耳不裸者覆載之德
其功尤盛欲報之德無可稱焉故無裸直加敬而已其牲用
特其器陶匏皆是質略之事故鄭云莫稱焉云凡鬱鬯受祭
之啐之奠之者謂王以圭瓚酌鬱鬯獻尸后亦以璋瓚酌鬱
鬯獻尸尸皆受灌地降神明爲祭之向口啐之啐之謂入口
乃奠之於地也祭天地既言無灌案宗伯泄玉鬯又案禮記
表記云親耕粢盛秬鬯以事上帝上帝得有秬鬯者案春官
鬯人職掌共秬鬯下所陳社稷山川等外神皆用秬鬯不用
鬱鬯言灌且亦天地無裸也天地無人職用鬯者唯有宗廟
及裸賓
凡賓客贊裸凡受爵之事凡受幣之事
客耳

唯裸助宗伯其餘皆助大宰王不酌賓客而疏凡賓至之
 有受酢大宗伯職曰大賓客則攝而載裸疏事○釋曰
 凡賓客贊裸者案大行人云上公再裸而酢侯伯一裸而酢
 子男一裸不酢謂諸侯來朝朝享既畢王禮之有此灌酢之
 禮也云凡受爵之事者謂上公與諸侯酢王之爵王受之云
 凡受幣之事者謂廟中行三享享時璧以帛琮以錦致享時
 有此受幣之事皆言凡者謂諸侯非一故言凡以廣之也○
 唯裸至載裸○釋曰言唯裸助宗伯者後引宗伯職者是也
 云其餘皆助大宰者謂受爵幣二者皆助大宰賓客酢王之
 時大宰於賓處受而授王王飲訖大宰受爵以授小宰受幣
 之時亦王親受受以授大宰大宰以授小宰也云王不酌賓
 客而有受酢者案燕禮使宰夫為主人是君不酌臣於諸侯
 亦然受酢是飲酒之事臣不可代君飲酒故有受酢之事也
 又引大宗伯職曰大賓客則攝而載裸者案彼鄭注云載為
 也言為者攝酌獻耳拜送則王也若然大宗伯非直攝王裸
 若上公再裸兼有后裸之時大宗伯亦代后裸也拜送則后
 也拜乃恭敬之事亦喪荒受其含禭幣玉之事春
 不可使臣代之故也喪荒○疏喪荒至之事○
 傳曰口實曰含衣服曰禭凶荒有幣玉疏釋曰喪謂王喪
 者賓客所賜委之禮○禭音遂賜音周

諸侯諸臣有致含禭幣玉之事荒謂凶年諸侯亦有致幣玉
 之事上大夫不言則此小宰專受之案禮記少儀云臣致禭
 於君則曰致廢衣於賈人則諸侯臣皆得致含也○注春秋
 至之禮○釋曰云春秋傳者公羊文其含禭所用之死之時
 若既殯之後亦容有致之法故禮記雜記殯後諸侯遣使致
 含禭之禮主人受之雖不及事容致厚意是以春秋左氏
 秦人來歸僖公成風之禭亦在踰年後春秋不識也云凶荒
 有幣玉者賓客所賜委之禮者案小行人云若國凶荒則令
 賜委之彼謂王家賜委諸侯月終則以官府之敘受
 法此謂諸侯賜委王家法也羣吏之敘受
羣吏之敘受主每月疏月終至之要○釋曰月計曰要
 書之要受之當先尊後卑故言敘○注主每月之小計○釋
 曰言小計對下經歲會為大計也若大會則下文冢宰平之
贊冢宰受歲會歲終則令羣吏敘受使齋歲
 來至若今上計○齋子疏贊冢至致事○釋曰贊助也歲
 兮反上時掌反下同疏計曰會言冢宰則據百官摠焉
 謂助冢宰受一歲之計云歲終則令羣吏敘受者謂使六官
 各致一年功狀將來考之故也○注使齋至上計○釋曰漢

之朝集使謂之上計吏謂上一年計會文書及功狀也 正歲帥治官之屬而觀

治象之灋徇以木鐸曰不用灋者國有常刑

正歲謂夏之正月得四時之正以出教令者審也古者將有新令必奮木鐸以警衆使明聽也木鐸木舌也文事奮木鐸武事奮金鐸。夏 疏 正歲至常刑。釋曰此則大宰周之戶雅反後放此。疏 正月之吉始和布之於天下至此建寅正歲之正月懸之於象魏共小宰亦助大宰帥治官六十官之屬及萬民而觀治象之法使知當年治政之法也其時小宰徇以木鐸以警衆曰不用法者國有常刑欲使之用命不犯刑也。注正歲至金鐸。釋曰知正歲是夏之正月者見凌人云正歲十有二月令斬冰若正歲是建子周正即今之十月冰未堅不得斬之言正歲得四時之正周殷則不得以此推之諸言正歲者皆四時之正是建寅之月云古者將有新令必奮木鐸以警衆者案禮記檀弓云自寢門至於庫門振木鐸曰舍故而諱新彼及此文皆是有命奮木鐸警衆使明聽之事也云木鐸木舌者鐸皆以金爲之以木爲舌則曰木鐸以金爲舌則曰金鐸也云文事奮木鐸者此文乃檀弓并明堂位曰振木鐸於朝天子之禮皆是也又云武事奮

金鐸者鼓人云金鐸通鼓大司馬云兩司馬振鐸是也 乃退以官刑憲禁于王

官 憲謂表縣之若 疏 注憲謂至令云。釋曰凡刑禁皆

故小宰得秋官刑禁文 令于百官府曰各脩乃職

書表而縣之於宮內也 竣乃灋待乃事以聽王命其有不共則國有

大刑 乃猶 疏 令于至大刑。釋曰此經於職未當稟于

女也 大宰而令百官謹于此數事以結之也 宰夫之職掌治朝之灋以正王及三公六卿

大夫羣吏之位掌其禁令 治朝在路門之外其位

如儀。治直吏反注及下之治贊治 疏 宰夫至禁令。釋官掌其治皆同朝直遙反後皆同 疏 曰言掌治朝之法以正王及三公六卿大夫羣吏之位者案司土云正朝儀之位辨其貴賤之等王南鄉三公北面東上孤東面北上卿大夫西面北上王族故士虎士在路門之右南面東上大僕從者在路門之左南面西上此羣吏即羣士是其位也掌其禁

令即察其不如儀耳。注治朝至如儀。釋曰知此治朝在路門外者燕朝在路寢庭外朝在庫門外其事希簡非常治政之所此云治朝是常治事之朝故知是路門外夏官司士所掌者知察其不如儀者宰夫與司士俱是下大夫非贊治朝又見經云禁令知直。敘羣吏之治以待賓客之察其不如儀式者也。

令諸臣之復萬民之逆

恒次敘諸吏之職事三者之末則應使辨理之鄭司

農云復請也逆迎受王命者宰夫主諸臣萬民之復逆故詩人重之曰家伯維宰玄謂復之言報也反也反報於王謂於朝廷奏事自下而。疏敘羣至之逆。釋曰此宰夫次敘羣上日逆逆謂上書。吏諸臣等之治職即以待賓客已下三事使之應答不關於事也言以待賓客之令此一者謂若八宗伯朝覲會同則為上相肆師云大朝覲佐饋及大小行八掌客掌訝委人遺人之屬皆是待賓客之官使辨理之也云諸臣之復此二者案夏官小臣職云掌三公及孤卿之復逆復逆並掌之此不言逆者但宰夫直次之不掌事故於文略也又案夏官大僕職云掌諸侯之復逆此諸臣中兼之此宰夫恒敘大僕小臣等辨理此復逆之事也云萬民之逆此三者案夏官御僕職掌羣吏庶民之復逆彼羣吏與此

經羣吏為羣臣別故鄭彼注羣吏府史以下此不言羣吏及復亦是文略也此宰夫次敘御僕使辨理府史萬民復逆也。注恒次至上書。釋曰鄭司農云復請也逆迎受王命者復是報白之義不得為請故後鄭不從又王命既出在下受而受而行之不得云逆逆者向上之言不為向下之義故後鄭亦不從云宰夫主諸臣萬民之復逆故詩人重之曰家伯維宰者知彼宰非大宰而當此宰夫者維宰在司徒下膳夫上故知是宰夫也此先鄭以官次第當宰夫案鄭彼注冢宰掌建邦之六典皆卿也不從司農者諸經單稱宰者皆大宰若宰夫無單言宰者故為大宰解之若然大宰在司徒下者彼以權寵為次不以尊卑故內史中大夫在膳夫上士之下師氏中大夫在趣馬下士之下玄謂復之言報也反也者謂羣臣受王命使臣行之訖反報於王故云朝廷奏事也云自下而上日逆者謂自上而下日順故自下而上日逆也言上善者則今之上表也若然據夏官諸侯諸臣萬民皆復逆並有則此亦皆有上書奏事耳司農於此注復為請逆為迎受王命後鄭不從及至夏官大僕先鄭注云復謂奏事逆謂受下奏即與後鄭義同故彼後鄭從之若然是先鄭兩解也案內豎云掌外內之通令凡小事鄭注云內后六官外卿大夫也使童豎通王內外之命給小事者以其無與為禮出入便

疾內外以大事聞王則大事俟朝而白復若然何須更有小臣等復逆乎然者一日萬機或有俟朝自復有大事急促不得待朝即須非時通傳使間微在上者也掌百官府之徵令辨其八職

一曰正掌官灋以治要二曰師掌官成以治

凡三日司掌官灋以治目四曰旅掌官常以

治數五日府掌官契以治藏六曰史掌官書

以贊治七曰胥掌官敘以治敘八曰徒掌官

令以徵令別異諸官之八職以備王之徵召所為正辟於治官則冢宰也治要若歲計也師辟小宰

宰夫也治凡若月計也司辟上士中士治目若今日計也旅辟下士也治數每事多少異也治藏藏文書及器物贊治若今起文書草也治敘次序官中如今侍曹伍伯傳吏朝也徵令趨走給招呼○藏才浪反注治藏同別彼列反辟於音譬本亦作譬下皆同傳直專反
疏 掌百至徵令○釋曰言掌百官府之徵令辨其八職者謂摠王朝三百六十官

以備王之所徵召及施令若不分別其職則徵召無所指斥故須分辨三百六十職也○一日正者正長也六卿下各有屬六十故六卿稱正也云掌官法者掌當官之法也以治要者要謂大計要也○注別異至招呼○釋曰計正已下為八職皆備王招呼則正亦備王招呼及所為也言正辟於治官則冢宰也者以其六卿異曰或稱大宰或稱司徒之等尊卑相似正長也每職各為一官之長故摠謂之正也以其六者非一相此辟故以辟言之今舉天官一官言之餘可知云治要若歲計也者案下文歲終云會月終云要旬終云成此歲云要者但六卿下云要不云會以要當會處故以治要為歲計也云師辟小宰宰夫也者以下文四曰旅是下士諸官皆名旅其下士之上有上士中士向上差次當三曰司上士之上向上差次有小宰宰夫故知二曰師當小宰宰夫也言辟者亦是六卿之下皆有此二者若司徒之下小司徒鄉師之類故亦言辟也二者同名師者亦是六者異曰尊卑相次故同名師也云治目若月計者上要既當歲會故治目當月計日要之處也云司辟上士中士者此亦是題日有異若大司馬之下上士曰與司馬中士曰行司馬與諸官上士中士不同尊卑相似故摠謂之司馬以其各有職司也六官之下同名司故亦云辟也云治目若今日計也者從治要向下以次

差之此治日當日計曰成之處故云今日計也云旅辟下土也者此下士既無所兼故存本號曰旅亦是六官下同號口旅故亦曰辟也云治數每事多少異也者以上治日當日計此治數無數當下士稱旅理衆事故以治數為每事多少解之云治藏藏文書及器物者其名曰府府者主以藏物故藏當司文書及當司器物也云贊治若今起文書草也者起文書草乃後判決是為贊治之法故稱贊治也云治敘次序官中者既有才智為什長當次序官中須人驅役之處則科次其徒故云次敘官中也云如今侍曹五伯傳更朝也者漢時五人為伍伯長也是五人之長言傳更朝者傳在朝羣吏諸官事務於朝也胥為什長亦然故舉漢法況之也云徵令趨走給召呼者其徒止為在朝趨走供給官人召呼使役之事也

掌治灋以考百官府羣都縣鄙之治乘其財用之出入凡失財用物辟名者以官刑

冢宰而誅之其足用長財善物者賞之

羣都邑也六遂五百家為鄙五鄙為縣言縣鄙而六鄉州黨亦存焉乘猶計也財泉穀也用貨賄也物畜獸也辟名詐為書以

空作見文書與實不相應也官刑在司寇五刑第四者○辟名徐芳石反劉芳益反干云不當也畜許又反見賢遍反

疏官治至賞之○釋曰宰夫是句考之官故以治法考百

用之出入者謂上數處用官物者當乘計其用財之出入知其多少云凡失財用物辟名者謂失官家財及用與物三者而辟名者以官刑詔告冢宰長官誅責之也有足用用之能足長財財又能長善物物又能善如此者賞之○注羣都至四者○釋曰云羣都諸采邑也者謂大都小都家邑三處也云六遂五百家為鄙五鄙為縣者遂人云六鄉州黨亦存焉者六遂在外尚考之六鄉在內考之可知不言者舉外以包內也云乘猶計也者計者筭法乘除之名出於此也云財泉穀也者上九賦敘財賄已釋訖云用貨賄也者案內府云掌受九貢九賦九功之貨賄以待邦之大用故知用中有貨賄也云物畜獸也者案獸人云掌豎田獸辨其名物及春秋獻獸物又牧人云掌牧六牲而阜蕃其物以此知物中有畜有獸也云辟名詐為書以空作見文書與實不相應也者其人失財用物者則詐為文書以空物作見在文書與實物不相應是罪人也云官刑在司寇五刑第四者以式灋掌彼司寇掌五刑其四曰官刑上能糾職是也

祭祀之戒具與其薦羞從大宰而賦滌濯

醢也羞庶羞內羞 **疏** 以式至滌濯。釋曰言式法者謂祭祀大小

羞者謂亦戒具之也云從大宰而賦滌濯者上大宰職已云

祀五帝祗滌濯此幸夫又從大宰祗之也。注薦脯至內羞

釋曰案儀禮鄉飲酒鄉射燕禮諸單言薦者皆是脯醢故知

此薦亦脯醢云羞庶羞內羞者庶羞謂天子八豆諸侯六豆

之等內羞謂祭祀食後所加言內者 **凡禮事贊小宰比**

少宰所謂房中之羞糗餌粉養是也

官府之具 此校次之。比如此 **疏** 注比校次之。釋曰

以法掌戒具此宰夫贊小宰校次之使知善惡足否也 **凡朝覲會同賓客以牢**

禮之灋掌其牢禮委積膳獻飲食賓賜之殮

牽與其陳數 牢禮之法多少之差及其時也三牲牛羊

用也膳獻禽羞傲獻也飲食燕饗也鄭司農云殮夕食也春

秋傳曰殮有陪鼎牽牲牢可牽而行者春秋傳曰饋牽馭矣

豕具為一牢委積謂牢米薪芻給賓客道

連皆同此音飲鄭徐於鳩反注同食音嗣注飲食公食

同殮音孫牽一本作賓賜掌其殮牽于本同儷昌六反 **疏**

凡朝至陳數。釋曰上大宰云大朝覲會同彼言大謂朝覲

為會同而來今此朝覲不言大則朝覲自是四時常朝及會

同皆有賓客也云以牢禮之法者五等諸侯來朝天子待之

自有常法若大行人掌客者也云掌其牢禮者下別言委積

之等則此牢禮謂饗饋之禮若然委積是賓未至時在道所

設聘禮云聘日致饗則饗饋是朝日致之矣今在委積上者

以饗饋是禮之大者故先言之且委積非直賓來時共之賓

去亦共之在下亦其宜若然殮牢皆殺而云殮牽者以掌客

云積視殮牽據積而言之也。注牢禮至大夫。釋曰云牢

禮之法多少之差者案大行人上公饗饋九牢饗禮九獻食

其主陳之當知其數故言之耳云三牲牛羊豕具為一牢者此依聘禮卿章弁歸饗餼於館之時有五牢一牢設於西階腥二牢設於東階牽二牢陳于門內之西北首以牛一羊一豕一稱牢此既以經牢禮為饗餼故還引聘禮順饗餼以證之也云委積謂牢米薪芻給賓客道用也者依掌客云積視殮牽殮有芻薪及米明委積在道所設亦有芻米薪蒸也且地官遺人云十里有廬廬有飲食三十里有宿宿有委五十里有市市有積是其委積給客道用也云膳獻禽羞俶獻也者此聘禮記文彼注云禽羞謂成執有齊和者俶獻四時珍美新物也俶始也言其始可獻也聘義謂之時賜是也云飲食燕饗也者鄭以燕饗解飲食即是飲入燕饗中不解經中食為食禮者經中言食則食禮自明今云飲食燕者欲見飲入燕禮可知饗中又兼燕與食以其饗有米有酒故也司農云殮夕食也者先鄭以殮字夕下為之即為夕食但客至即設不要待夕故後鄭不從也云春秋傳曰殮有陪鼎者左氏昭五年楚薳啟疆曰宴有好貨殮有陪鼎是也云春秋傳曰餼牽竭矣者左氏僖三十三年鄭皇武子辭秦客杞子等云唯是脯資餼牽竭矣是也玄謂殮客始至所致禮者此亦先鄭案聘禮客始至大夫帥至于館宰夫朝服設殮不待至夕也云凡此禮陳數存可見者唯有行人掌客及聘禮公食大夫

夫者以儀禮三千條內具有諸侯之禮俱亡滅者多今存可見者周禮之內有大行人掌客是待諸侯之禮儀禮之內有聘禮公食大夫是待聘客之法皆有陳數考校可知也

凡邦之弔事掌其戒令

與其幣器財用凡所共者 弔事弔諸侯諸臣幣所凡喪始死弔而含送葬而贈其間加恩厚也器所致明器也則有聘焉春秋譏武氏子來求聘○聘音附○疏者○釋曰弔謂王使人弔諸侯自弔諸臣須從王行者并有贈喪之具百官當共故宰夫摠戒令之與其幣器財用凡所共者也○注弔事至求聘○釋曰案大宗伯云以喪禮哀死○禮記檀弓曰君臨臣喪巫祝桃茢執戈惡之也天子之禮弔諸臣之法春秋左氏王使榮叔歸含且贈是有弔法故云弔諸侯諸臣也云幣所用贈也者案公羊傳口實曰含車馬曰贈衣服曰襚幣不入含襚贈中故知是贈也云器所用致明器也者案儀禮既夕禮云若就器則坐奠于陳注云就猶善也贈無常唯翫好則此贈與人亦是賓客就器而云明器者相對言之則禮弓云竹不成用瓦不成味木不成斲琴瑟張而不平之名為就器摠而言之皆是神明死者之器故此就器亦名

明器也云凡喪始死弔而含祔葬而贈贈其間加恩厚則有
 賻焉言此者欲見賻非正禮其賻乃是於死者恩厚乃加之
 故禮記云弔喪不能賻不問其所費是恩厚之義也云春秋
 譏武氏子來求賻者隱公三年公羊文案公羊云武氏子來
 求賻何以書譏何譏爾喪事無求求賻非禮何休云禮本為
 有財者制有則送之無則致哀而已不當求求則皇皇傷孝
 子心蓋通於下何休云爾者嫌天子財多不當求求則財少
 可求故明皆不當求鄭引此者見王於諸侯諸臣有歸則爾
 諸侯諸臣亦不得求也類路請子之
 車孔子不與亦是合求故抑之也

官之戒令帥執事而治之
 大喪王后世子也小喪
 夫人以下小官士也其

大官則冢宰掌其戒令
 治謂共辨。辨簿竟反。疏。大喪至治之。釋曰其小官士
 者也。注大喪至共辨。釋曰大宰云大喪贊贈王含王宗
 伯云朝覲會同則為上相大喪亦如之鬱人鬯人俱云大喪
 之潤典瑞云大喪共飯玉含玉彼皆據喪唯司寇云大喪前
 王以為嗣王皆不為后世子喪者彼皆不對小喪此大喪對
 小喪亦王所由服故注為王后世子也此不言庶子文不具
 云小官士也者宰夫下大夫所掌而言小官明是士可知矣

其大官則冢宰掌其戒令者冢宰不言者文
 不具云治謂共辨者謂當職合共者供辨之
三公六卿
 之喪與職喪帥官有司而治之凡諸大夫之

喪使其旅帥有司而治之
 旅冢宰
 疏。三公至治

三公六卿喪尊故宰夫與春官職喪帥其於喪家有事官有
 司而治之治之亦謂共辨之大夫之喪卑宰夫不自為使在
 己之下其旅三十有二人帥有事於喪
 家之有司而治之治之亦謂共辨之也
歲終則令羣吏

正歲會月終則令正月要旬終則令正日成
 而以攷其治治不以時舉者以告而誅之

自周季冬正猶定也旬十日也治不
 時舉者謂違時令失期會。會如字。疏。曰言周之歲終十
 二月則令羣吏羣吏則六十官正歲會正猶定也謂一年會
 計文書摠句考之歲計曰會也月終則令正月要者謂每月
 終則令羣吏正其月要月要謂月計曰要也旬終謂每旬終
 則令羣吏正其日成日成謂日計曰成也云而以攷其治者

言會要成摠考之云治不以時舉者謂文書稽滯者故鄭云
違時令失期會也云以告而誅之者謂告冢宰而誅責之也
○注歲終至期會○釋曰知歲終是周之季冬者以其正月
之吉始和彼正月是周之正月始和布治于天下至今歲終
考之是一歲之終故知非夏之歲終也云正猶定者以其文
書定乃可放之故為定也云旬十日也者上文云前期十日
少牢云旬有一日旬與十日正同故知旬十日也
正歲則以灋敬言戒羣吏令

脩宮中之職事
警勅戒之言鄭司農云正歲之正
月以法戒勅羣吏○警京領反
疏

正歲至職事○釋曰正歲乃夏之正月是其歲始
故以法警戒羣吏令脩宮中之職事以謹勅之也
書其能

者與其良者而以告于上
良猶善也上謂小宰大
宰也鄭司農云若今時

舉孝廉賢良方
疏書其至于上○釋曰上云令脩宮中之
正茂才異等
職事則此謂宮中諸吏也正歲之正月

則豫選之擬至歲終當舉之也○注良猶至異等○釋曰知
上是小宰大宰者以其承上文歲始未是賞時且長自告于
王知上非王是小宰大宰先鄭云若今舉孝廉者謂孝弟廉
潔賢良即經中良者謂有賢行而良善也云方正者人雖無

別行而有方幅正直者也云茂才者漢光武諱秀時號為茂
才即經云能者也云異等者四科不同等級各異故云異等
此經據宮中子弟先鄭所云
不要宮中之人引之况義耳

宮正掌王宮之戒令糾禁
糾猶制也
疏注糾猶至
也察也○釋

曰案下經王宮中有官府故掌王宮之戒令之事
有過失者已發則糾而割察之其未發則禁之也
以時比

宮中之官府次舍之衆寡
時四時比按次其人之
在否官府之在宮中者

若膳夫玉府內宰內史之屬次諸吏直宿若今部署諸廬者
舍其所居寺○比徐方履反一音毗志反注下並同宿戚如

字劉息就
疏以時至衆寡○釋曰以四時按比宮中見住
反下同
在王宮中者之官府及宿衛者次舍之衆寡

也○注時四至居寺○釋曰此時是尋常事故為四時解之
案地官鄉師云以歲時巡國及野而調萬民之羶阨鄭彼注

時隨其事之時不為四時解者彼據羶阨非常故為隨其事
之時不得為四時也云官府之在宮中者若膳夫玉府等者

以其言在宮中之官府是執掌重事美物及飲食乃得在王
宮故知是此人等云次諸吏直宿若今時部署諸廬者此次

謂若匠人云外有九室九卿治之即詩云適子之館今鄭云
卿士所之之館在天子之宮中如今部署諸廬彼二者與此
次爲一物此據宮中之官府子弟云舍其所居寺者即舍也
王宮者彼據宮中官府子弟云舍其所居寺者即舍也
官府退爲之版以待鄭司農云爲官府次舍之名籍待
息之處爲之版以待待待比也玄謂版其人籍爲宮正
待戒令疏爲之版以待待待比也玄謂版其人籍爲宮正
及此版爲官府次舍之版圖者先鄭於八成注云版名籍圖
鄭以版爲官府次舍之版圖者先鄭於八成注云版名籍圖
地圖此注連言圖其版即名籍與後鄭義同後鄭以爲人名
籍者增成也夕擊柝而比之者爲其有解情離部署鄭
先鄭義也夕擊柝而比之者爲其有解情離部署鄭
司農云柝戒守者所擊也易曰重門擊柝以待暴客春秋傳
曰魯擊柝聞於邾柝吐各反莫音暮本亦作暮行下孟反
爲于偽反下注皆同解佳賣反情徒帥疏夕擊柝而比之
反離力智反重直龍反聞音問又如字疏釋曰既得名籍
至夕暮擊柝校比之恐其解情也注夕莫至於邾釋曰
後鄭云莫行夜以直宿人故先鄭云柝戒守者所擊也易曰
者擊柝校比直宿人故先鄭云柝戒守者所擊也易曰
易繫辭文彼又云蓋取諸豫鄭玄注云豫坤下震上九四體

震又互體有良良爲門震日所出亦爲門重門象良又爲手
巽爻也應在四皆木也手持二木也手持二木以相敲是爲
擊柝擊柝爲守備警戒也四又互體爲坎坎爲盜五離爻爲
甲冑戈兵盜謂持兵是暴客也又以其卦爲豫有守備則不
可自逸是也云春秋傳曰者左氏哀七年秋魯伐邾茅成子
請告于吳不許曰魯擊柝聞於邾吳二千里不三月不至何
及於我引之證國有故則令宿其比亦如之鄭司
擊柝之義也國有故則令宿其比亦如之鄭司
故謂禍灾令宿宿衛王宮春秋傳曰忘守必危况有灾乎玄
謂故凡非常也文王世子曰公有出疆之政庶子以公族之
無事者守於公宮正室守大廟諸父守貴宮貴室諸子諸孫
守下宮下室此謂諸侯也王之庶子職掌國子之倅國有大
事則帥國子而致於大子唯所用之者令宿之事疏國有
蓋亦存焉○守手又反及音手疆居反倅七內反疏至如
之○釋曰有故有灾禍及王時出行不在皆是也云則令宿
其比亦如之者亦如比夕擊柝已上之事與平常同也○注
鄭司至存焉○釋曰先鄭引春秋傳者左氏昭十八年夏五
月宋衛陳鄭灾子產授兵登陴子大叔曰晉無乃討乎子產
曰小國忘守則危况有灾乎彼爲則先鄭云必讀字不同也
玄謂故凡非常也文王世子曰公有出疆之政者謂出朝觀

也云庶子以公族之無事者守於公宮者此言與下為目庶
 子謂諸侯庶子之官掌卿大夫士之適子并掌公家之事云
 正室守大廟者謂公族之內適子名為正室使守大廟大廟
 尊故也云諸父守貴宮貴室者謂同族諸父行者貴官貴
 室同為路寢路寢對大廟生人之尊也云諸子諸孫者亦謂
 同族之內諸子孫行者也云守下宮下室者下宮謂親
 廟四下室謂燕寢也云此謂諸侯也者謂文王世子文是諸
 侯法也云王之庶子職掌國子之俸已下者是夏官諸子職
 文云庶子者諸庶一也於諸侯即為庶子於天子則為諸子
 今因諸侯言庶子其實夏官所云是諸子職也彼鄭注倅謂
 副倅之倅國子謂諸侯卿大夫士之子者云國有大事則帥
 國子而致於太子唯所用之者彼云大事寇戎之事卿大夫
 士之子屬太子故唯太子所用也彼是甲兵不云宿衛故
 鄭云令宿之事蓋亦存焉存焉者宿衛之事亦在唯所用中
 引之言欲見國有故中有王出疆巡
 守征伐皆須令宿衛成先鄭義也 **辨外內而時禁**
 鄭司農云分別外人內人禁 **疏** 辨外內而時禁。釋曰先
 其非時出入者謂住在王宮中有卿大夫士等外人謂男子內
 人謂婦女皆是也此男女自相對為外人內人其內人非謂

宰職所云內人是 **稽其功緒糾其德行** 稽猶考也計
 刑女在宮中者也 **疏** 稽其至德行。釋曰緒業也官正考計其
 緒其志業。 **疏** 宮中卿大夫士功狀及職業多少糾察其
 行下孟反 **疏** 稽其至德行。釋曰緒業也官正考計其
 在身為德施之 **幾其出入均其稍食** 鄭司農云幾其
 為行二者也 **疏** 幾其出入均其稍食。出入若今時宮
 中有罪禁止不能出入及無引籍不得入宮司馬殿
 門也玄謂幾荷其衣服持操及疏數者稍食祿稟。荷呼可
 反又音何操七曹反 **疏** 注鄭司至祿稟。釋曰先鄭引今
 數音朔稟彼錦反 **疏** 時者謂漢法言引籍者有門籍及
 引人皆得出入也又云司馬殿門者漢宮殿門每門皆使司
 馬一人守門比千石皆號司馬殿門也玄謂幾荷其衣服持
 操及疏數者案關人云喪服凶器不入宮潛服賊器不入宮
 奇服怪民不入宮殿門云幾出入不物者謂衣服視古不與
 衆同及所操物不如品式者職雖不同皆是守禁此經直云
 幾其出入明知漢有此呵其衣服持操及疏數此增成司農
 義也云稍食祿稟者稍則稍稍與之則月俸是也則下士食
 九人中士倍下士上士倍中士大夫倍上士之類其祿與之
 米稟故云 **去其淫怠與其奇衰之民** 民宮中吏之
 祿稟也 **疏** 去其淫怠與其奇衰之民。民宮中吏之
 祿稟也

濫也怠解慢也奇衰誦觚非常○去起呂反奇音
騫徐去宜反衰似嗟反亦作邪誦古穴反觚音孤
非常○釋曰此一經並是吏之民云淫放濫也怠解慢也為
此惡行也云民宮中吏之家人也者吏即宅在宮中卿大夫
士其家人為此惡行也者使之不為即是去也此民謂若秋
官隸民之類云奇衰誦觚非常者兵書有誦觚之人謂誦詐
榮出觚角
非常也
會其什伍而教之道義
五人為伍二伍
之輩作輩學相勸帥且寄宿衛之令鄭司農云道謂先王所
以教道民者藝謂禮樂射御書數○會如字注同教道徒報
反下道
疏注五人至書數○釋曰宮正掌宮中卿大夫士
導同
亦兼掌子弟會謂會合其宮中子弟使之以五
人為伍二伍為什必會合之者欲使之宿衛時語言相體服
容相識是其輩作也及其學問又相親及切磋琢磨是其輩
學摠是相勸帥也云且寄宿衛之令者管子云因內政寄軍
令在家時五家為比在軍還五人為伍之類此亦五人為伍
二伍為什使之輩學似若在家也因使之宿衛以寄軍令也
先鄭云道謂先王所以教道民者謂若保氏云掌養國子以
道而教之六藝道則師氏三德三行也
藝謂禮樂射御書數亦保氏職文也
月終則會其稍

食歲終則會其行事

行事吏職也

疏

月終至行事○釋曰補食謂宮中官

府等月祿故至月終會計之歲終則會計行事吏職當考知功過也

凡邦之大事令于

王宮之官府次舍無去守而聽政

使居其處待所

為疏

凡邦至政令○釋曰邦有大事謂國之大事在祀與

舍不得去部所守而聽待政令須有所為

春秋以木鐸脩火禁

出以秋入

因天時
疏春秋至火禁○釋曰春謂季春秋謂季秋二時
而以戒
疏火星出入之時以木鐸警眾使脩火禁也○注
火星至以戒○釋曰火星則心星也公羊謂之大辰服注春
秋云火出於夏為三月於商為四月於周為五月故云以春
出也季秋昏時伏於戌火星入故云以秋入云因天時而以
戒者此火謂陶冶鑄銅之火因天出火民則為之因天入火
民則休之故云因天時戒之也此施火謂宮正於宮中特宜
慎火故脩火禁夏官司燧云掌行火之政令四時變國火以
救時疾下又云時則施火令為焚菜之時故脩火禁也秋官
司烜云中春以木鐸脩火禁于國中注云為季春將出火也

火禁謂用火之處及備風燥是二月預凡邦之事蹕宮脩之三月重掌事各有所為不相妨也

中廟中則執燭鄭司農讀火絕之云禁凡邦之事蹕

若今時衛士填街蹕也宮中廟中則執燭官正主禁絕行者

中廟中執燭玄謂事祭事也邦之祭社稷七祀於宮中祭先

公先王於廟中隸僕掌蹕止行者宮正則執燭以為明春秋

傳曰有大事於大廟又曰有事於武宮。蹕音畢徐又音痺

讀威如字徐音豆。疏凡邦至執燭。釋曰凡邦之事謂祭

填音田街音佳。疏祀之事王當出人來往時隸僕與王

蹕止行人於宮中及廟中也王出向二處當侵晨而行爾時

則宮正為王執燭為明也。注鄭司至武宮。釋曰先鄭讀

火絕之則火字向上為句也其禁自與凡邦之事蹕共為一

句宮正既不掌蹕事若如先鄭所讀則似宮正為王蹕非也

云宮中廟中何為事而遣宮正執燭乎亦非也又云若今時衛

士填街蹕也者漢儀大駕行幸使衛士填塞街巷以止行人

備非常也玄謂事祭事也者謂在宮中廟中二處皆有祭事

也云邦之祭社稷七祀於宮中者小宗伯云左宗廟右社稷

在宮中中門之外也依祭法王為羣姓立七祀曰司命曰中

霽曰國行曰國門曰泰厲曰戶曰竈案司門云凡歲時之門

受其餘則此七祀等是為羣姓所立者不在宮中也祭法又

云王自為立七祀者此則禘祀在宮中者也云春秋傳曰有

大事于大廟者左氏文二年秋八月丁卯大事于大廟是也

云又曰有事于武宮者昭十五年春二月癸酉有事于武宮

鄭引此者欲見隸僕蹕于宮中亦得兼廟中故公羊云魯公

稱世室羣公稱宮則天子之廟亦有宮稱也

大喪則授廬舍辨其親疏

貴賤之居廬倚廬也舍室室也親者貴者居倚廬疏者

倚於疏大喪至之居。釋曰大喪謂王喪臣子皆為之斬

綺反疏衰則同廬舍所居則異也云授廬舍者摠諸臣而

辨其親疏貴賤之居異也。注廬倚至室。釋曰廬倚廬

也者謂於路門之外東壁倚木為廬云舍室室也者舍對廬

故為室室室者兩下為之與廬異故名室室也云親者貴

者居倚廬者親謂大功以上貴謂大夫以上者居倚廬云疏

聖室一邊之義耳其實為諸侯禮不辨親疏貴賤而別其遠近並為天子之臣也

宮伯掌王宮之士庶子凡在版者鄭司農云庶子宿衛之官

疏 版名籍也以版為之今時鄉戶籍謂之戶版玄謂王宮之士謂王宮中諸吏之適子也庶子其支庶也。適音丁歷反。宮伯至版者。釋曰宮伯掌王宮中卿大夫之適子庶子士之適子也凡在版者子弟皆有名籍以擬校比也。注鄭司至庶也。釋曰鄭司農云庶子宿衛之官謂若夏官諸子職後鄭不從者彼諸子是下大夫此宮伯中士不合掌之故不從也玄謂王宮之士謂宮中諸吏之適子也者吏謂卿大夫士之惣號云庶子其支庶也者以其宮正掌宮中官府宮伯掌其子弟故也案大司馬云王弔勞其士庶子文與此同鄭彼注云弔其死者勞其傷者庶子卿大夫之子弔者彼士為卿大夫士庶子為卿大夫之子則兼適庶與此不同者彼更無弔勞卿大夫士身故上為卿大夫庶子中兼適庶是鄭望文以為

掌其政令行其秩敘作其徒役之事秩祿稟也敘才等也作徒役之事大子所用**疏** 掌其至之事。釋曰宮伯既掌士庶子所

以有政令盡掌之也行其秩敘者秩謂依班秩受祿敘者才藝高下為次第以作其徒役者士庶子屬大子隨其所用使役之也 **授八次八舍之職事**衛王宮者必居四角四中於微候便也鄭司農云庶子衛王宮在內為次在外為舍玄謂次其宿衛所在舍其休沐之處。微古弔反便婢面反**疏** 至之處

釋曰言衛王宮者必居四角四中者以其言八似若八方為四方四維然以四角四中解之必於八所以為次舍者相攷察來往候望皆便故次舍皆入也司農云庶子衛王宮在內為次在外為舍者庶子義上已破訖先鄭意內次外舍有所隔絕故后鄭不從也玄謂次其宿衛所在者謂宿衛之處稍在前為之館也舍者若掌舍之舍亦舍息休止之處故鄭為休沐之處也 **若邦有大事作宮衆則令之**謂王宮之士處也

大事或 **疏** 若邦至令之。釋曰事亦謂寇戎之事作起也選當行 **疏** 謂起宮中之衆使士庶子行則宮伯戒令之 **月終則均秩歲終則均敘以時頒其衣裳掌其誅賞**頒讀為班班布也衣裳若今賦冬夏衣。頒音班**疏** 月終至誅賞。釋曰月終則均其秩

秩祿稟則與官正均稍食亦一也歲終則均敘與官正則異彼官中官府故會其行事此其子弟故均其敘敘即上注才等也以時頒其衣裘夏時班衣冬時班裘掌其誅賞者士庶子有功則賞之有罪即誅之也。注若今賦冬夏衣。釋曰賦班也班之與賦皆賜授之義

附釋音周禮注疏卷第三

春監盧氏
國同精陶

周禮注疏卷第三
小宰

知南昌府張敦仁署都陽縣候補知州周樹棻

周禮注疏卷三按勘記

阮元撰盧宣旬摘錄

小宰

官皆當為官

嘉靖本閩本同監本毛本作當皆為官誤倒惠棟云以官刑憲禁于王宮而令于百官府且曰國有大刑則官刑當作官刑明矣案經首云掌建邦之官刑以治王宮之政令末云以官刑憲禁于王宮官正官伯等職皆言王宮經無有言王官者則官刑之非官刑審矣

若今御史中丞

惠士奇云劉昭注續漢志引小宰職于寶注若御史中丞是于注非鄭注也案此當

是于用鄭注賈疏本有之

已云四曰官刑

閩監毛本誤官刑

應劭云

惠按本同與漢制考合閩監毛本劭改邵。按應邵古書多作劭以說文邵高也定之各邵故字仲遠作邵則大誤

九貢中兼之矣

監毛本同此本矣誤人闕本誤又今訂

謂官正至夏采

闕本同監毛本采誤案

此並共王食是同事

案同為大之誤

天官甚衆

浦鏜云天當六字誤

周公攝政三年滅奄

惠校本作踐奄此誤。按十行本

然則服亦平也

此本則誤賊今據監毛本訂正闕本然

以官府之六聯合邦治

唐石經嘉靖本闕本皆作聯宋本作

耳从絲省

六曰斂施之聯事

余本闕監毛本同唐石經宋本嘉靖本施

互注本宋附釋音本皆作斂施案釋文斂施劉本作施音弛杜作施然則經文本作斂施有杜子春劉昌宗本可據劉音

也從注讀而淺人遂據以改經耳小司徒遂、遂師遂大夫
士均施舍字凡五見注皆云施讀為弛可證漢讀考云蓋杜
易施為弛而鄭發明其義今本恐是依注改經作弛復依經
改注作弛讀為施耳

屬其六綱

余本闕監毛本同嘉靖本綱作引釋文六綱徐

引鄭司農云六引謂引喪車索也六鄉主六引六遂主六
綱蓋彼經作引此注作綱有劉音可據說文綱牛系也嘉
靖本依經作引與陸云或本合

杜子春弛讀為施

余本宋本嘉靖本同闕監毛本弛作弛

皆舍不以力役之事

宋本舍作捨

杜子春引讀為施者

浦鏜云弛誤引

不必連

案下當脫斂

簡稽士卒兵器簿書

諸本簿作簿

簡猶閱也

釋文出簡閱二字則陸本無猶字

皆官師擁鐸拱稽 浦鏗云國語師作帥擁作攤案浦據俗本國語如此耳明道本作行頭皆官師擁鐸拱稽與此合

責謂貸子

諸本同釋文出貸子二字皆誤也疏引注云責謂貸子者謂貸而生子者若今舉責即地官泉府職云凡民之貸者以國服為之息是也又釋經云稱責謂舉責生子則子為子字之誤無疑當訂正

傅傅著約束於文書

此本疏中引注作傅傅著約於文書後劄擠束字蓋注本無束字

傅別謂為大手書於一札中字別之

案大手書疑當作下手書司市注云質劑謂兩書一札而別之也若今下手書言保物要還矣疏云漢時下手書即今畫指券大字蓋誤。按謂為大手句絕即今俗語所謂手摹脚印也傅別是一札而剖之分執質劑是兩札各執其一不必援司市注以改此

謂聽時以禮命之其人策書之本

浦鏗云上之字疑在其人下

此謂於官直貸不出子者

閩監毛本子改子蓋因取子字致誤也

皆是利稅之事也

閩本同監毛本作科稅

引之以證征是口稅之法

此本及閩毛本皆作日稅今從監本訂正

凡賒者祭祀無過旬日

監本賒改賒俗字下同

簿書之要目曰契

案要當從注作最。按最古作取此以要釋取耳毛本作最目曰契是也

辨辨然不疑惑也

疏云辨然於事分明無有疑惑之事惠棟云辨然不讀為否漢官儀解博士云士者辨於然否是也疏讀非案釋文亦無音。按古人不字多讀平聲者今人但於詩句用之

令百官府其其財用治其施舍

唐石經諸本同毛本官府誤例案上注聽平治也釋文治

如字下文治其弛舍同凡經云施舍注皆讀施為弛此注不言讀為蓋經本作弛字或經作施舍注云弛舍陸氏本注讀也

書亦為七事

漢讀考謂當作書亦或為七事

云施舍不給役

閩本同監毛本下增者

贊王幣爵之事

唐石經嘉靖本閩監毛本同宋本余本王作玉宋岳珂九經三傳沿革例云諸本王皆作玉惟越注疏及建大字本作王大宰贊玉幣爵上文有贊王牲事則玉幣爵不得再言王小宰職甲不獲贊牲事且此上文未有王字故言王幣爵注所謂從大宰助王其義甚明案疏云大宰職祀五帝贊玉幣爵今此又云祭祀贊此三者謂小宰執以授大宰大宰執以授王故云又從大宰助王也是賈疏本作王字注云從大宰助王當從疏義岳說非段王裁漢讀考言之備矣

而下引云裸將

浦鏜云別誤引

大賓客則攝而載裸

浦鏜云經作果注果讀為裸案鄭既於彼注改讀故於此引經竟從其所

讀三禮注皆如是

似齋歲盡文書來至

監本齋作齊非釋文亦誤齋葉鈔本作齋。按依說文則監本不誤

行視治象之灋徇以木鐸曰不用灋者

監毛本灋改法徇作徇非疏中同

此文乃檀弓并明堂位

浦鏜改乃為及非

各修乃職

唐石經嘉靖本修作脩諸本皆作修非當訂正。按經典多用脩罕用修者

宰夫之職

閩監毛本誤連上文不跳行

王族故士虎士

虎士舊誤處功今據經訂正

宰夫主諸臣萬民之復逆

宋本萬作万

在下受而受而行之

補案受而二字誤重

然者一日萬機

惠校本然下有王此脫

如今侍曹伍伯

余本嘉靖本閩監毛本同宋本伍作五此本疏中引注及漢制考皆作五百案疏云

漢時五人為伍伯長也是五人之長然則訓伍為五訓伯為長不得竟作五也一作五非

云如今侍曹五伯傳吏朝也者閩監毛本作伍伯此作五非

其徒止為在朝趨走監本止誤上

賓賜之殮牽釋文唐石經殮作殮從夕釋文云一本作賓賜掌其殮牽。案此本注內及疏文並作殮

俱亡滅者多浦鏗云俱當但字誤

木不成斲惠按本同閩監毛本作斲非

何休云云爾者浦鏗云當衍一云

彼皆據喪案據下當脫王

歲終自周季冬浦鏗云是誤自案此字當衍

則令羣吏羣吏則六十官此本補刻下羣吏誤羣臣今據閩監毛本訂正

宮正

若今部署諸廬者疏引注作若今時部署諸廬者案時字當有注中屢言若今時

夕擊柝而比之唐石經柝作柝此本作柝訛今訂正

故謂禍灾諸本灾作災此蓋俗省疏中灾災錯出此本補刻多不足據

則師國子而致於天子閩監毛本同誤也宋本余本嘉靖本師作帥當訂正又此本及閩監毛本疏中皆作帥不誤

亦如此夕擊柝已上之事惠按本此作上此誤

引之言欲見國有故中惠按本言作者此誤

禁止不能出閩監毛本同誤也宋本余本嘉靖本能作得當訂正

不得入宮司馬殿門也諸本同案殿字疑衍顏師古注漢書元帝紀云司馬門者宮之外門

也衛尉有八屯衛候司馬主衛士微巡宿衛每面各二司馬故謂宮之外門為司馬門此因賈疏云司馬門者漢宮殿門遂衍殿字矣。按疏明言云司馬殿門者是有殿字可知漢官儀云公車司馬掌殿司馬門司馬殿門即殿司馬門也

元謂幾荷其衣服持操宋本余本嘉靖本同監毛本荷作鈔釋文漢制考皆作荷六經正誤云呵亦作荷呼何反又音何漢書責問作呵某渠作荷惠棟云漢書守荷禮不作呵萬卷堂本是

皆得出入也惠校本皆作乃此誤

元謂幾荷其衣服持操閩監毛本荷改呵此本下仍作呵非

殿門云幾出入不物者浦鏜云司誤殿

稍則稍稍與之惠校本句首有言

則下士食九人惠校本作食則下士九人非也

與其奇衰之民釋文衰亦作邪案經作衰注作邪見地官司救音義

怠解慢也宋本余本嘉靖本閩本同監毛本解改懈而疏中仍作解

禁凡邦之事嘉靖本邦作國惠校本亦作國云萬卷堂本仍作邦

宮正主為王於宮中廟中執燭嘉靖本執燭上有則

何為事而遣宮正執燭乎盧文昭曰何為疑當作為何

宮伯

謂王宮中諸吏之適子也疏引注無王此衍

故上為卿大夫惠校本上作士此誤

秩祿稟也宋本稟作廩誤稟筆錦反賜也

周禮注疏卷三按勘記終

南昌表泰開校

附釋音周禮注疏卷第四

盡幽圖氏
圖章校回

鄭氏注

賈公彥疏

膳夫掌王之食飲膳羞以養王及后世子

食飯

也飲酒漿也膳牲肉也羞有滋味者凡養之具大略有
 四○食音嗣注及下食用公食同飯扶萬反依字作餘
 膳夫至世子○釋曰云膳夫掌王之食飲者此一經以其職
 首故略舉其目下別敘之云以養王及后世子者舉尊者而
 言其實羣臣及三夫人已下亦養之○注食飯至有四○釋
 曰云食飯也者即下文云食用六穀是也云飲酒漿也者即
 下文云飲用六清是也下文不言酒文略也云膳牲肉也者即
 下文云膳用六牲是也云羞有滋味者即下文云羞用百有
 二十品是也下文仍有珍用八物醬用百有二十醬不言之
 者此舉大者珍醬是饋之小者略而不言故鄭云凡養之具
 大略有四也
 凡王之饋食用六穀膳用六牲飲
 用六清羞用百二十品珍用八物醬用百有

二十齋

進物於尊者曰饋此饋之盛者王舉之饌也六牲
 之庶羞公食大夫禮內則下大夫十六上大夫二十其物數
 備焉天子諸侯有其數而物未得盡聞珍謂淳熬淳母炮豚
 炮牂擣珍漬熬肝骨也醬謂醢醢也王舉則醢人共醢六十
 齋以五齋七醢七菹三醢實之醢人共齋菹醢物六十齋鄭
 司農云羞進也六穀稌黍稷梁麥苽苽彫胡也六清水漿醴
 醢醢醢。齋徐劉音彘屋貢反饌仕春反盡津忍反享之
 反下同熬五刀反母莫胡反一音武由反炮步交反羊一郎
 反擣丁老反骨力彫反齋作西反齏劉奴兮反徐耳齊反稌
 音杜徐他古反苽古吳反醢本又作涼力羊反徐了主進
 力放反醫於美反徐於計反醢以支反劉書支反了
 醫醢。釋曰鄭云進物於尊者曰饋者據此文云王之貴於
 少牢特牲皆云饋食是進物於尊者曰饋鄭注玉府云通行
 曰饋者彼對獻是進物於尊者曰饋是通行也云此饋之盛者
 王舉之饌者下文云王日一舉鼎十有二是王舉之饌也云
 六牲馬牛羊豕犬雞者此依爾雅釋畜亦是將用之曰牲也
 云羞出於牲及禽獸者釋經羞用百有二十品此羞庶羞皆
 出於牲及禽獸家公食大夫下大夫十六豆中從腳臠臠已
 下皆出於牲不見有出禽獸者上大夫加以雉免鴉鴛此則

出禽獸也以其有牲及禽獸故去備滋味謂之庶羞也引公
 食大夫禮及內則二文俱言十六豆是下大夫禮內則云雉
 兔鶉鴛四豆添前十六則二十是上大夫禮云其物備數焉
 者此上下大夫禮其物備有焉云天子諸侯有其數者此經
 云百有二十者是天子有其數掌客云上公食四十侯伯三
 十二子男二十四是諸侯有其數也又云而物未得盡聞者
 言未盡聞則少有聞所聞者謂天子諸侯之數皆從上大夫
 二十豆上加之則二十豆聞之矣內則云牛脰及爵鴉鴛范
 芝栭已下三十一物鄭注云皆人君燕食所加庶羞也周禮
 天子羞用百有二十品記者不能次錄亦是有其物未盡聞
 也云珍謂淳熬已下皆內則文案內則淳熬煎醢加于陸稻
 上沃之以膏曰淳熬淳母煎醢加于黍食上沃之以膏曰淳
 母母模也炮取豚若牂割之劑之實素於其腹中編萑以塗
 之塗之以墜塗炮之塗皆乾擘之濯手以摩之去其齧為稻
 粉糝漉之以為醢以付豚煎諸膏膏必滅之鉅鑊湯以小鼎
 蕪肺於其中使其湯毋減鼎三日三夜母絕火而後調之以
 醢醢擣珍取牛羊麋鹿麇之肉必臠每物與牛若一捶反側
 之去其餌執出之去其齧柔其肉漬取牛羊肉必新殺者薄
 切之必絕其理湛諸美酒期朝而食之以醢若醢醢為熬捶
 之去其齧編萑布牛肉焉屑桂與薑以酒諸上而鹽之乾而

食之施羊亦如之肝骨取狗肝一幪之以其骨需灸之舉焦其骨不夢也是為入珍彼有穆與銜彼是羞豆之實非珍故不取云醬謂醢醢也者醬是搃名知醬中兼有醢醢者經云百有二十齏醢人共醢六十齏醢人共醢物六十齏故鄭注醢人兼引之其五齏七醢等就醢人具釋鄭司農云六穀知有稌黍稷梁麥苽者據食醫而知云苽彫胡也者南方見有苽米一名彫胡異方語云六清

物皆有俎

殺牲盛饌曰舉王日一舉以朝食也后與王同庖鼎十有二牢鼎九陪鼎三物謂牢鼎之

實亦九俎。朝如字下。奉朝同陪徐蒲來反。二者案禮記郊特牲鼎俎奇而邊豆耦者謂正鼎九陪鼎三即是奇數揔而言之即十二云物皆有俎者俎據正鼎而鼎各一俎。注殺牲至九俎。釋曰殺牲盛饌曰舉知非舉樂者以其言鼎十有二膳夫主飯食故知舉是殺牲盛饌云王日一舉以朝食也者一日食有三時同食一舉案玉藻云皮弁以日視朝遂以食日中而餽餽者餽朝之餘則遂以食之謂朝之食明知先朝食次乃日中而餽云后與王同庖案玉藻云夫人與君同庖鄭注云不特殺明后亦與王同庖可知

云鼎十有二牢鼎九陪鼎三者案聘禮致饗餼注云飪一牢鼎十有二是也牢鼎九在西階前云牛羊豕魚腊腸胃同鼎膚鮮魚鮮腊云陪鼎三者當內兼腳腫臄並陪牛羊豕鼎後是也云物謂牢鼎之實者言實即牛羊豕之類也云亦九俎者陪鼎三腳腫臄者謂庶羞在於豆唯牢鼎之物各在俎故云亦九俎案趙商問王日一舉鼎十有二是為三牲備焉商案王藻天子日食少牢朔月太牢禮數不同請問其說鄭荅云禮記後人所集據時而言或以諸侯同天子或以天子與諸侯等禮數不同難以據也王制之法與禮違者多當以經為正若然此周禮周公太平法玉藻據衰世或是異代故與此不

以樂侑食膳夫授祭品嘗食王乃食

祭謂刺肺脊也禮飲食必祭示有所先品者每物皆嘗之道尊者也。授祭品于云祭五行六陰之神與民起居荆寸本反劉音付沈寸。以樂至乃食。釋曰上言王日一舉此沒反徐倉典反。疏云以樂侑食即是王制云天子食日舉以樂案論語微子云亞飯三飯四飯鄭云皆舉食之樂彼諸侯禮尚有舉食之樂明天子日食有舉食之樂可知案大司樂云王大食皆令奏鍾鼓彼大食自是朔食日舉之樂大司樂或不令奏故不言之矣無妨日食自有舉食之樂云膳夫

授祭者謂王將食必祭先膳夫授之云品嘗食者王藻云火孰者先君子鄭注云備火齊不得也故膳夫品物皆嘗之王乃食也。注備猶至者也。釋曰殷祭肝周祭肺但祭肺有二種一者名為舉肺亦名離肺此為食而有也二者名為祭肺亦名判肺此為祭而有也但舉肺離而不絕祭肺則絕之今此膳夫授祭為食而授即舉肺也鄭云祭謂判肺脊也者以經直云祭不言舉又不言離直云祭故鄭云祭謂判肺也今兼言脊者依士虞特牲皆言授肺脊故鄭依之而言云禮飲食必祭示有所先者凡祭皆祭先造食者曲禮云殺之序徧祭之今徒言祭肺者略舉其首者也

卒食以樂徹于造
造作也鄭司農云造謂食之故所居處也

疏
卒食至于造。釋曰卒終也天子食終已食徹置故處。徹器之時作樂以徹之但天子祭祀歌雍以徹徹食器之時樂章未聞也。注造作也至故處。釋曰後鄭云造作也先鄭云徹置故處二鄭義同皆謂造食之處即厨是也案內則云天子之閣左達五右達五彼亦是置食處今此不徹於閣者但閣內別置新饌案文王世子未有原即此亦不重

王齊日三舉
鄭司農云齊必變食

疏
王齊日三舉。釋曰進故徹于造

齊謂散齊致齊齊必變食故加牲體至三大牢案王藻云朔食加日食一等則於此朔食當兩大牢不言之者文不具齊時不樂故不言以樂侑

大喪則不舉大荒則不舉
食也齊必變食論語文

大札則不舉天地有裁則不舉邦有大故則

不舉
大荒凶年大札疫癘也天裁日月晦食地裁崩動也

寇行戮君為之不舉。札側入反徐音截杜注左

傳大死曰札裁音災疫音役癘音厲為于偽反

疏
大喪至不舉。釋曰臣子一皆為王喪啜粥故大喪不舉也大荒則不舉已下皆為自貶損。注大荒至不舉。釋曰言大荒凶年

者則曲禮云歲凶年穀不登君膳不祭肺是也云大札疫癘也者即春秋天昏札瘥民有疫癘為之不舉自貶也云天裁

日月晦食者月食在望日食在晦朔今摠云日月晦食者案春秋唯書日食故以是不言月之望食日食由月故連言月

也云地裁崩動也者左氏書地震及梁山崩是也云大故寇戎之事者據此經唯言大喪大荒大札天地有災故知大故是寇戎先鄭云大故刑殺引之在下者欲見大故中含刑殺之事春秋傳曰司寇行刑者案莊公二十年王子頹享五

大夫樂及徧舞又云王子頽歌舞不倦是樂禍也夫司寇行
戮君為之不舉不舉者謂不舉樂此經數事不舉司農意亦
謂不舉樂故引以為證但此膳夫云不舉在食科之中不
舉即是不殺牲引司農義在下者不舉之中含有不舉樂

燕食則奉膳贊祭

燕食謂日中與夕食奉膳
奉朝之餘膳所祭者牛肉

疏

王

至贊祭。釋曰案上王日一舉鄭云謂朝食則此云燕食者
謂日中與夕相接為三時云奉膳者奉朝之餘膳云贊祭者
助王祭牛肉。注燕食至牛肉。釋曰案王藻天子與諸侯
相互為三時食故燕食以為日中與夕云奉膳奉朝之餘膳
者則一牢分為三時故奉朝之餘餼也云所祭者牛肉者案
玉藻諸侯云夕深衣祭牛肉鄭注云天子言日中諸侯言夕
天子言餼諸侯言祭牛肉互相挾則天子諸侯朝
皆祭肺日中與夕皆祭牛肉故言所祭者牛肉也

祀賓客食則徹王之胙俎

膳夫親徹胙俎胙俎最
尊也其餘則其屬徹之

賓客食而王有胙俎王與賓客禮食主人飲食之

疏

凡王

俎皆為胙俎見於此矣。見賢遍反下文及注同
主人受尸酢戶東西面設主人俎於席前王受尸酢禮亦當

然賓客食謂工與賓客禮食於廟賓在戶牖之間王在阼階
上各有饌皆設俎故亦有胙俎此二者皆名胙俎膳夫徹之
故云則徹王胙俎也。注膳夫至此矣。釋曰云膳夫親徹
胙俎胙俎最尊也者以其胙者酢也王與尸賓相酢故遣
膳夫親徹云其餘則其屬徹之者以其經膳夫徹王之胙俎
明非王胙俎則其屬徹之可知膳夫是上士則其屬中士已
下是也云賓客食而王有胙俎王與賓客禮食者以其賓客
與祭祀同科故知是禮食非是凡平燕食案公食大夫主君
與聘大夫禮食賓前有食君前無食退俟於廟今此天子與
諸侯禮食王前有食俎者天子於諸侯其禮異於諸侯與聘
大夫故王前有俎云主人飲食之俎皆為胙俎見於此矣者
案特牲少牢主人之俎雖為胙俎直是祭祀不兼賓客此則
祭祀賓客俱有故云主人飲食之俎皆為胙俎

事設薦脯醢

鄭司農云稍事為非日中大舉時而間食
謂之稍事膳夫主設薦脯醢玄謂稍事有

小事而飲酒。間。凡王至脯醢。釋曰案下經燕飲酒
劉古覓反戚如字。謂大事與臣飲酒則此云王之稍事

是王小事而飲酒故空設薦脯醢若大飲與食則有牲體。
註鄭司農至飲酒。釋曰先鄭云稍事謂非日中大舉時而

間食謂之稍事膳夫主設薦脯醢者先鄭意且起日中食牲
牢日中後空食脯醢後鄭不從者玉藻諸侯猶云夕深衣祭
牢肉則天子夕食牢肉可知又脯醢者是飲酒肴羞非是食
饌若大夫已下燕食有脯無會設脯無嫌若王之日食不得
空薦脯醢故以王燕飲酒則為獻主鄭司農云主人
為小事飲酒王燕飲酒則為獻主
代王為主君不敵臣也燕義曰使疏謂王與臣以禮燕飲
宰夫為獻主臣莫敢與君亢禮疏謂王與臣以禮燕飲
則膳夫為獻主案儀禮使宰夫為主人此天子使膳夫為獻
主皆是飲食之官代君酌臣注鄭司至亢禮
獻賓則膳夫代王為主此約燕禮而知案燕禮主人酌酒獻
賓賓酢主人主人酌酒獻君君酢主人主人酌酒獻賓以禮為賓
舉旅又引燕義臣莫敢與君亢禮者飲酒之禮使大夫為賓
遣宰夫為主人獻酢相亢若君為主人則是臣與君相亢
故云臣莫掌后及世子之膳羞
敢亢禮掌后及世子之膳羞
至膳羞釋曰上云王日一舉注后與王同庖不言世子則
世子與王別牲亦膳夫所掌故云掌后及世子之膳羞注
亦主至之耳釋曰案上文凡王之饋食用六穀已下言饋
則膳夫親饋之故云品嘗食按內饗共后及世子之膳羞則

是后世子內饗饋之故鄭云凡肉脩之頒賜皆掌之
亦主其饌之數不饋之耳凡肉脩之頒賜皆掌之
鄭司農云凡肉至掌之
脩脯也羣臣則膳夫皆掌之
曰言脩脯也者謂加薑桂鍛治者謂之脩不加薑桂以鹽乾
之者謂之脯則脩脯異矣先鄭云脩脯者散文言之脩脯通
也凡祭祀之致福者受而膳之
王鄭司農云膳夫凡祭至膳之
受之以給王膳凡則諸臣自祭家廟祭訖致胙肉於
王謂之致福膳夫受之以為王膳故云受而膳之注致福
至王膳釋曰云致福者謂諸臣祭祀進其餘肉歸胙于王
者案禮記少儀云膳于君子曰膳案玉藻膳於君葷桃菊彼
謂諸侯之臣禮此王之臣亦應云致膳而云致福者凡祭祀
主人受福若與王受福然故云致福知諸臣有致胙法者案
春秋左氏昭十六年子產云祭有受服歸服彼注云受服謂
君祭以肉賜大夫歸服謂大夫祭歸肉於公也今彼以摯
雖據諸侯禮王之臣致胙亦然故云歸胙於王也以摯
見者亦如之鄭司農云以羔鴈雉為
見者亦如之摯見者亦受以給王膳
疏以摯至如之
疏釋曰謂卿大

夫以下新任為臣者卿執羔大夫執鴈士執雉來見王歲
故云以摯見者言亦如之者先鄭云亦受以給王膳也
終則會唯王及后世子之膳不會

賜諸臣 歲終至不會。釋曰此膳夫所掌膳羞是其正
則計之 故世子亦不會至下庖人王及后不會則世子
會之彼禽獻是其加故會之。注不會至計之。釋曰依宰
夫職會是歲計故云不會計多少云優尊者謂若計則似限
尊者有多少若不計則任所用故云不會是優尊者也云其
頒賜諸臣則計之者經云王及后世子不會則上經肉脩之
頒賜諸臣則計之可知

庖人掌共六畜六獸六禽辨其名物 六畜六牲也始養之

曰畜將用之曰牲春秋傳曰卜曰牲鄭司農云六獸麋鹿
熊麋野豕兔六禽鴈鴝鴒雉鳩鴒玄謂獸人冬獻狼夏獻麋
又內則無熊則六獸當有狼而熊不屬六禽於禽獻及六摯
宜為羔豚犢麋雉鴈凡鳥獸未孕曰禽司馬職曰大獸公之
小禽私之。畜許又反注同六獸司農云麋鹿熊麋野豕兔
鄭云有狼無熊于注麋作麋熊作貍六禽鄭云羔豚犢麋雉

鴈也司農及于鴈鴝鴒鳩鴒麋本又作麋亦作麋君倫反麋
也鴝音純鴝於諫反鴝古合反麋音迷鹿子孕以證反一音
乘 庖人至名物。釋曰云掌共六畜者馬牛羊豕犬雞
謂夏官校人地官牛人春官雞人秋官犬人冬官豕
人撻送六畜與此庖人六獸六禽即下獸人送之此庖人得
此六畜六獸六禽共與膳夫內外養故云掌共六畜六獸六
禽此禽獸等皆有名號物色故云辨其名物。注六畜至私
之。釋曰云六畜六牲也者謂雖此云六畜即是膳夫六牲
一也所以彼言牲此言畜者鄭則解其不同之意始養之曰
畜將用之曰牲膳夫共王之膳羞即是將用之故言牲云春
秋傳曰者此是左氏僖公三十一年傳辭彼經云四卜郊不
從乃免牲未卜曰牛卜得吉日乃號為牲僖公既卜得吉
日名牛作牲乃更卜可郊以否不從乃免牲是其怠慢引之
者證將用曰牲鄭司農云六獸麋鹿熊麋野豕兔六禽鴝鴒
鴝鴒鳩鴒者此先鄭意取爾雅文四足而毛謂之獸兩足而
羽謂之禽故為此解玄謂獸人冬獻狼又內則為餼食有狼
膾膏故云當有狼而熊不屬此破司農有熊無狼云六禽於
禽獻及六摯宜為羔豚犢麋雉鴈者下文禽獻之內取羔豚
膾麋大宗伯六摯之內亦取羔及雉鴈破司農六畜之內有
鴝鴒鳩鴒四者於經無所據司農雉鴈即六摯雉鴈同故從

大奠皆無薦羞之法今言共喪紀庶羞者謂虞祔之祭乃有之
不賓客之禽獻者謂若掌客上之乘禽日九十雙侯伯七十
雙子男五十雙之類是也。注喪紀至為獻。釋曰云喪紀
喪事之祭謂虞祔也者天子九虞後作卒哭祭虞卒哭在寢
明日祔於祖廟今直云虞祔不言卒哭者舉前後虞祔則卒
哭在其中共庶羞可知云獻古文為獸杜子春云當為獻者
但賓客之禽由主人獻之若
直言賓客禽獸於義無取也 凡令禽獻以禮授之其
出人亦如之 令令獸人也禽獸不可久處賓客至將獻
與之及其來致禽亦以此書校數之至于獻賓客又以此書
付使者展而行之掌客乘禽於諸侯各如其命之數聘禮乘
禽於客日如其養餼之數士中日則二雙 疏 凡令至如之
令力呈反使所吏反乘繩證反下同 疏 釋曰凡朝聘
賓客至並致館與之賓客既在館此庖人乃書所共禽獻之
數令於獸人以數授之故云凡令禽獻以法授之也云其出
入亦如之者既以數授獸人依數以禽入庖人是入也庖人
得此禽還依數付使者送向館是出也亦如之者亦依法授
之故云其出入亦如之若然入先出後不言入出而言出入
者便文也。注令令至二雙。釋曰知令獸人者案獸人云

凡祭祀喪紀賓客共其死獸生獸故知令獸人云禽獸不可
久處以下至與之以上解經令禽以法授之法及其來致禽
亦以此書校數之解經人亦如之云至于獻賓客又以此付
使者展而行之解經出亦如之言展而行之者展猶省視也
行去也謂將向客館之時省視禽牲然後去去掌客乘禽於
者侯各如其命之數者謂上公九命日九十雙之等又引聘
禮乘禽於客日如其養餼之數者言此臣禮不依命數公侯
伯之卿三命子男之卿再命皆以爵卿也養餼五牢日五雙
故言日如其養餼之數云士中日則二雙者謂作介時士爵
一日則一雙禽獻不以命數中間也故言間日則二雙言此
者釋經以法授 之法則數也 凡用禽獻春行羔豚膳膏香夏行
腊鬴膳膏臊秋行犢麇膳膏腥冬行鱸羽膳
膏膻 用禽獻謂煎和之以獻王鄭司農云膏香牛脂也以
牛脂和之腊乾雉鬴乾魚膏臊豕膏也以豕膏和之
杜子春云膏臊犬膏膏腥豕膏也鮮魚也羽鴈也膏膻羊脂
也玄謂膏腥雞膏也羔豚物生而肥犢與麇物成而充腊鬴
嘆熱而乾魚鴈水涸而性定此入物者得四時之氣尤盛為
人食之弗勝是以用休廢之脂膏煎和膳之牛屬司徒土也

雞屬宗伯木也犬屬司寇金也羊屬司馬火也膏香禮記
作燕音同居其居反鱸所留反腠素刀反杜云犬膏也司農
及干云豕膏也腥音星杜云豕膏鄭干云雞膏也或作雉膏
蠶羽鄭云鮮魚也羽鴈也杜云鮮羽鴈也羶書然反羊脂也
和胡臥反下文同嘆呼早反劉呼且
反酒胡洛反徐戶格反為于偽反
四者不同故言凡也煎和謂之用故言凡用禽獻也云春行
羔豚膳膏香者言行者義與用同春用羔豚者草物始生羔
豚食而肥膳膏香者謂平膏春木王火相土死羔豚為其太
盛牛屬中央土故以死之脂膏殺其氣夏行膳鱸膳膏臊者
謂乾雉鱸謂乾魚膏臊犬屬西方金故用死之脂膏煎而乾食之
為其太盛夏時金死犬屬西方金故用死之脂膏煎而乾食之
秋行犢麋膳膏腥者秋時草木有實犢麋食之而肥故秋用
犢麋膏腥謂雞膏雞屬東方木時木死故用死之脂膏煎和
之云冬行鱸羽膳膏羶者鮮謂魚羽謂鴈冬魚之性定鴈又
新來故用食之膏羶謂羊膏羊屬南方火冬時火死魚鴈食
之大盛故用死之脂膏煎和之五行不言北方豕之脂膏者
以其中央土王分於四時土賊水但無中央食法故不言豕
之脂膏也○注用禽至火也○釋曰云用禽獻謂煎之
主者殺牲謂之用煎和謂之膳用膳相將之言故以煎和解

用上言賓客之禽獻此用禽以王為主故言獻王鄭司農云
膏香牛脂也者案內則鄭注釋者曰膏凝者曰脂彼是相對
之義通而言之脂膏一也故司農以脂解膏云脂乾雉者以
士相見云冬用雉夏用膳故知膳乾雉也云鱸乾魚者鴈人
職云魚鱸此鱸鴈同是夏用之鴈既乾是乾雉明鱸是乾魚云
膏臊豕膏也者經云夏行膳鱸膳膏臊此經四時所膳者皆
取所賊死之脂膏火賊金即膏臊犬膏也云膏腥豕膏也者於義
又杜子春云膏臊犬膏者於義是也云膏腥豕膏也者於義
非也以其秋行犢麋秋時金王金剋木雞屬東方木則膏腥
雞膏也不得為豕膏云鮮魚也羽鴈也者尚書益稷云與稷
決川而鮮食鮮出於川故知鮮魚也羽鴈也此鮮對羽故知鮮是
魚知羽是鴈者以其禽擊中玄謂膏腥雞膏也者破子春豕膏
明亦有鴈故以羽為鴈也玄謂膏腥雞膏也者破子春豕膏
云魚鴈水潤而性定者依周語云天根見而水潤鄭注月令
云天根見九月末是水潤在九月末十月月初云是以用休廢
之脂膏者五行王相相剋春木王火相土死金因水為休廢
夏火王土相金死水囚木為休廢已下推之可知王所勝者
死相所勝者囚新謝者為休廢若然向來所膳膏者皆是死
之脂膏鄭云休廢者相對死與休廢別故則死亦為休廢故
鄭以休廢言之也云牛屬司徒土也者鄭於司徒注云牛能

任載地之類故屬土云雞屬宗伯木也者雞為貌雞又時
象春故屬木云大屬司寇金也者金為言犬亦言屬金云羊
屬司馬火也者火為歲終則會唯王及后之膳禽
視羊亦視故屬火

不會 膳禽四時所膳禽獻
加世子可以會之
疏 注膳禽至會之。釋曰上
禽獻者是其加世子可以會故歲終則
唯王及后之膳不會世子則會之矣

內饗掌王及后世子膳羞之割亨煎和之事

辨體名肉物辨百品味之物 割肆解肉也亨煮也
煎和齊以五味體名

脊脊肩臂膈之屬肉物故燔之屬百品味庶羞之屬言百舉
成數。亨音庚反注及下同肆託歷反齊才細反裁側吏反
燔音燔本 **疏** 注割肆至成數。釋曰知割肆解肉者謂士
亦作燔 **疏** 虞禮云四肆去蹄此明割是肆解肉云煎和
齊以五味者凡言和者皆用酸苦辛鹹甘云體名脊脊肩臂
膈之屬者案少牢解羊豕前體有臂膈後體膊體又有正脊
脰脊橫脊又有短脊正脊代脊是其體十一體云肉物故燔
之屬者案公食大夫禮十六豆有裁裁謂切肉又案少牢主

婦獻尸以燔從傳火日燔云百品味庶羞之屬案 **王舉則**
膳夫職庶羞百有二十品今言百故鄭云舉成數

陳其鼎俎以牲體實之 取於鑊以實鼎取於鼎以
實俎實鼎曰香實俎曰載

○香職 **疏** 王舉至實之。釋曰言陳其鼎俎者陳鼎有二
升反 **疏** 處初陳鼎於鑊西後陳鼎於階下其俎皆陳
於鼎西南云以牲體實之者其牲體入鑊時已解訖今言實
者有兩處一者取於鑊實於鼎據在鑊所二者取於鼎實於
俎。注取於至曰載。釋曰實鼎曰香者香升也案少牢司
馬升羊實於一鼎是實鼎曰香案特牲云卒載加七於鼎是
其實俎曰載案少牢云升羊載右胛豕其載如羊又有司
徹亦云乃升鄭云升牲體於俎若然實鼎唯有升名無載稱
若實俎升 **選百羞醬物珍物以俟饋** 先進食之時
載兩有 **選百羞醬物珍物以俟饋** 恒選擇其中

御 **疏** 選百至俟饋。釋曰百羞者則庶羞百二十醬物者
者 **疏** 即醬用百二十齎珍物者諸入珍之類俟待也內饗
恒預選知當王意 **共后及世子之膳羞** 膳夫掌之 **疏**
所欲者以得饋王 **共后及世子之膳羞** 膳夫掌之 **疏**
共后至膳羞。釋曰后世子直言共不言饋者膳夫饋王不
饋后世子此內饗言共是親饋故鄭云膳夫掌之是乃共之

共后至膳羞。釋曰后世子直言共不言饋者膳夫饋王不
饋后世子此內饗言共是親饋故鄭云膳夫掌之是乃共之

辨腥臊羶香之不可食者
牛夜鳴則膺羊冷
毛而毳羶犬赤股而躁
噪鳥曠色而沙鳴狸

豕盲眦而交睫
腥馬黑脊而般臂
螻

腥臊羶香可食者是
別其不可食者則所謂者皆臭味也冷毛毛長終結也曠失
色不澤美也沙漸也交睫腥腥當為星聲之誤也肉有如米
者似星般臂臂毛有文鄭司農云膺朽木臭也螻螻臭也
杜子春云盲眦當為望視。膺音由徐餘柳反干云病也冷
音零徐郎年反躁早到反撫本又作撫芳表反又符表反又
芳老反徐又孚趙反沙如字一音所嫁反或蘇他反狸音鬱
徐於弗反盲亡亮反眦視二反又音視睫音接一音將業反
般音班臂如字徐本作辟音方紙反螻音樓如螻蛄蟲臭也
干音漏內病也此依禮記文
別彼列反漸音西蝮音姑
雞也臊謂犬也羶謂羊也香謂牛也以腥臊羶香表見云牛
羊犬雞也言不可食者牛夜鳴則膺者其牛無事夜鳴其肉
必膺膺惡臭也云羊冷毛而毳羶者冷毛謂毛長也而毳謂
毛別聚結者此羊肉必羶也云犬赤股而躁臊者言赤股者

股裏無毛謂之赤股非謂肉赤謂若禮記檀弓流矢在肉
非謂肉白而走又躁疾犬有如此者其肉必燥故云而躁臊
云鳥曠色而沙鳴狸者曠失色也沙漸也鳥毛失色而鳴又
漸其肉氣必鬱鬱謂腐臭云豕盲眦而交睫腥者豕乃聽物
不合望眦此豕眼眦毛交故云豕望眦而交睫豕有如此其
肉必如星腥當為星其肉如米然驗當時有如此者也云馬
黑脊而般臂螻者謂馬脊黑前脰般般然其馬如此其肉螻
蝻臭此一經皆是不利人故禁之也。注腥臊至望視。釋
曰云腥臊羶香可食者即上庖人職所云是也云是別不可
食者則此是也則所謂者皆臭味也者言所謂者所謂論語
鄉黨色惡不食臭惡不食云交睫腥腥當為星聲之誤也者
此經腥有二字鄭不破腥臊之腥宜破交睫腥之腥故連取
交睫以解云般臂臂毛有文者鄭荅冷剛童牛之桔牛在手
曰桔牛無手以前足當之此馬亦然故言般臂鄭司農云膺
朽木臭也者驗今朽木其氣實臭故云朽木臭也案內則注
引左氏春秋一薰一蕪此司農以其朽木臭即與一薰一蕪
同故鄭不引之云螻螻蝻蝻臭也者以內則螻為漏脫字於義
無所取故轉為螻蝻字螻蝻則有臭杜子春盲視當為望視
者以其盲則無所覩見不得視內則
為遙望之字故子春從內則為正也
凡宗廟之祭祀掌

割亨之事凡燕飲食亦如之凡掌其羞脩刑

臠胖骨鱠以待共膳

膳掌共當為具羞庶羞也脩鍛

刑臠謂夾脊肉或曰膾肉也骨鱠謂骨有肉者立謂刑臠也臠臠肉大穢所以祭者骨牲體也鱠乾魚也音具臠火吳反徐凶武反胖普半反鍛丁亂反臠直輒反又之涉反刑音刑衡力轉反凡宗至共內饗不掌外神故云宗廟之祭祀言凡者謂四時及裕禘并月祭等皆在其中掌其割亨之事上王后言煎和此不言煎和者鬼神尚質不貴饗味故不言煎和云燕飲食亦如之者謂王及后世子自燕飲食皆須割亨故云亦如之注掌共至乾魚釋曰云掌共共當為具者據經共字有二以待共膳不破掌共共字則破之矣故云掌共共當為具言具者具羞脩刑臠已下云羞庶羞也者庶羞則百二十品是也云脩鍛脯也者謂加薑桂鍛治之若不加薑桂不鍛治者直謂之脯云胖如脯而腥者乾則為脯不乾而腥則謂之胖鄭司農云刑臠謂夾脊肉者刑臠為二物有明文先鄭以為刑臠夾脊肉故後鄭不從云或曰膾肉也者無所出後鄭亦不從云骨鱠謂骨有肉者骨自是牲體鱠自是乾魚先鄭合為一故後

鄭亦不從立謂刑臠羹也者案特牲有臠羹謂銅器盛豕臠設於薦南故名臠羹云臠臠肉大穢所以祭者臠魚肉摠有也公食大夫禮云庶羞皆有大謂大臠據肉而言案有司徹云主人亦一魚加臠祭于其上此據魚而言也臠又註為大故云臠臠肉大穢所以祭者也云骨牲體也者謂若體解二十一雖據骨而言皆擬所食故云骨有肉云鱠乾魚者前云夏行膳鱠與彼凡王之好賜肉脩則饗人共之好賜同故為乾魚凡王至共之釋曰言好賜者謂羣王所善而賜也

外饗掌外祭祀之割亨其其脯脩刑臠陳其

鼎俎實之牲體魚腊凡賓客之飧饗饗食之

事亦如之

飧客始至之禮饗既將幣之禮致禮於客莫盛於饗

釋曰云掌外祭祀之割亨者謂天地四望山川社稷五祀外神皆掌其割亨云其其脯脩刑臠者如上釋云陳其鼎俎實之牲體魚腊者謂若鼎十有二者也云凡賓客之飧饗饗食之事亦如之者謂所陳之數如宰夫職所云者也皆以外饗

共之故言亦如之。注殮客至於饗。釋曰言殮客始至之禮者宰夫職以釋訖云饗既將幣之禮者案聘禮記云助日致饗鄭注云急歸大禮鄭云將幣者即是聘享也若諸侯來朝亦朝日致之也云致禮於賓客莫盛於饗者以其饗之中有飪有腥有牽又有酒有米兼燕與食其中芻薪米禾又多故朝聘之日致之是以鄭云急歸大禮故云莫盛於饗也。

邦饗者老孤子則掌其割亨之事饗士庶子

亦如之 孤子者死王事者之子也士庶子衛王官者若今時之饗衛士矣王制曰周人養國老於東膠養庶

老於**疏** 邦饗至如之。釋曰云邦饗者老謂死事者之子虞庠父祖兼有國老庶老云孤子者謂死王事者之子

云饗士庶子者謂若宮伯注云士謂王官中諸吏之適子也庶子其支庶也云饗者即鄭云士庶子衛王官者若今時之

饗衛士矣是也。注孤子至虞庠。釋曰死事者之子謂若左氏哀公二十三年晉知伯親禽顏庚至二十七年齊師將

與陳成子屬孤子三日朝設乘車兩馬繫五邑焉召顏庚之子而賜之是其禮孤子之法云王制曰周人養國老於東膠

養庶老於虞庠者周立太學王宮之東膠膠之言糾也所以糾察王事周立小學於西郊為有虞氏之庠制故曰虞庠國

老謂卿大夫致仕者庶老謂士之致仕者經直言者老對孤子則耆老者死事者之父祖可知但此不見饗國老庶老之文故鄭解耆老謂國老庶老

師役則掌其其獻賜脯肉之事 獻謂酌其長帥

疏 師役至之事。釋曰云師役者謂出師將帥并賜酒肉之事並掌之。注獻謂至長帥。釋曰以經

獻謂獻酒非獻肉故鄭謂酌其長帥長帥軍將已下至五長有功者

凡小喪紀陳其鼎俎而實之 謂喪事之奠祭

凡小喪至而實之。釋曰言小喪紀者謂夫人已下之喪云陳其鼎俎者謂其殷奠及虞禘之祭皆有鼎俎故鄭云喪事之奠祭也

享人掌共鼎鑊以給水火之齊 鑊所以煮肉及

乃齊于鼎齊多少之量。釋曰云鑊所以量。齊才細反注同

疏 煮肉及魚腊之器者案少牢儀存廟門外之東大夫五鼎羊豕腸胃魚腊各異鑊鑊別有一鼎鑊中肉孰各升一鼎故鄭云既孰乃齊于鼎云齊多少之量

者此釋經給水火之齊謂實水於鑊及爨之以火皆有多少之齊

職外內饗之爨亨 職外至

煮辨膳羞之物 職主也爨今之竈主於

釋曰亨人主外內饗爨亨煮之事云辨膳羞之物者膳羞則牛鼎之物是也注職主至煮物釋曰云爨今之竈者

周禮儀禮皆言爨論語王孫賈云寧媚於竈禮記祭法天子七祀之中亦言竈若然自孔子已後皆言竈故鄭云爨今之竈

祭祀共大羹鉶羹賓客亦如之 大羹肉湑鄭

不致五味也鉶羹加鹽菜矣。疏 祭祀至如之。釋曰云

羹音庚又音衡下同湑去及反。祭祀共大羹者大羹肉

湑盛於登謂大古之羹不調以鹽菜及五味謂鑊中煮肉汁

一名湑故鄭云大羹肉湑云鉶羹者皆是陪鼎脚臠臠牛用

藿羊用苦豕用薇調以五味盛之於鉶器即謂之鉶羹若盛

之於豆即謂之庶羞即公食大夫十六豆脚臠臠等也云賓

客亦如之者謂若致饗餼及殮禮皆有陪鼎則

鉶羹也饗食亦應有大羹故云賓客亦如之

甸師掌帥其屬而耕耨王藉以時入之以共

齋盛 其屬府史胥徒也耨芸芋也王以孟春躬耕藉天

請徒三百人藉之言借也王一耕之而使庶人芸芋終之齋

盛祭祀所用穀也黍稷也穀者稷為長是以名云在器曰盛

○耨乃豆反齋音資芸音云徐音運本或

作耘芋音子徐音茲推出誰反又他回反

其屬者謂除府史有胥三十人徒三百人而耕種耘耨於王

之藉田言以時入之者謂麥則夏執禾黍秋執則十月穫之

送入地官神倉故云以時入之云以共齋盛者六穀曰齋在

器曰盛以共祭祀故云以共齋盛。注其屬至曰盛。釋曰

云其屬府史胥徒也者彼官知之云耨芸芋也者詩云或芸

或芋芸蒔芋耨本是也云王以孟春至諸侯九推並是月令

文言躬耕藉者天子親耕三推是也言帝藉者藉田之穀

禮記卷四

案月令中央土云食稷與牛五行土為尊故知稷為五穀長
及爾雅以稷為黍通而言之六穀皆是黍故小宗伯云辨六
案之名 **祭祀共蕭茅** 鄭大夫云蕭字或為茜讀為縮
物是也 去若神飲之故謂之縮縮液也故齊桓公責楚不貢苞茅王
祭不共無以縮酒杜子春讀為蕭蕭香蒿也立謂詩所云取
蕭祭脂郊特牲云蕭合黍稷臭陽達於牆屋故既薦然後燔
蕭合馨香合馨香者是蕭之謂也茅以共祭之苴亦以縮酒
苴以藉祭縮酒沛酒也醴齊縮酌也苴所六反滲所燭反浸
荀閏反劉思順反炳如悅反苴音租又子餘反藉在夜反佈
子禮反齊 **疏** 祭共蕭茅。釋曰此祭祀共蕭茅者蕭謂
才細反 **疏** 香蒿據祭祀宗廟時有之若共茅外內之神
俱用故云祭祀共蕭茅也。注鄭司農至縮酌。釋曰鄭大
夫云蕭字或為茜讀為縮鄭大夫必讀為縮者欲以蕭茅
共為一事解之云束茅立之祭前者此鄭大夫之意取土虞
禮束茅立几束所以藉祭此義蕭茅共為一則不可若束茅
立之祭前義得通又引齊桓公責楚謂左氏僖公四年傳辭
彼齊桓使管仲責楚云爾貢包茅不入王祭不共無以縮酒
寡人是徵楚伏其罪云故不共給是也杜子春讀為蕭於義
為是故後鄭從之云立謂詩所云取蕭祭脂見用蕭之時有

脂又引郊特牲者欲見非直有脂亦有黍稷云臭陽達於牆
屋者謂饋獻之後陰厭之節取蕭與脂及黍稷燔燒之取香
氣上聞故云既薦然後燔蕭合馨香云茅以共祭之苴者則
士虞禮束茅長五寸立於几束謂之苴者是也云亦以縮酒
者左氏管仲辭是也云苴以藉祭者亦指士虞禮也云縮酒
沛酒也者鄭君解義語云醴齊縮酌者司尊彝職文此官共
茅司巫云祭祀共苴館茅以為苴兩官共共者謂此甸師共
茅與司巫司巫為苴以共之此據祭宗廟也鄉師又云大祭
祀共茅苴者謂據祭天時亦謂甸師氏送茅與鄉師 **共野**
為苴以共之若然甸師氏直共茅而已不供苴耳 **果蓏之薦**
甸在遠郊之外郊外曰野果桃李之屬 **疏**
注甸在至之屬。釋曰鄭言甸在遠郊之外者案載師公邑
之田任甸地在二百里中司馬職百里為遠郊今言甸在遠
郊外則是二百里中云郊外曰野者釋經野野在郊外云果
桃李之屬蓏瓜瓠之屬者案食貨志臣瓚以為在樹曰果在
地曰蓏不辨有核無核張晏以有核曰果無核曰蓏今鄭云
果桃李之屬即是其有核者也蓏瓜瓠之屬即是無核者也此
從張晏 **喪事代王受眚哉** 案盛者祭祀之主也今國
遭大喪若云此黍稷不馨

使鬼神不逞于王既殯大祝作禱辭授甸人使疏喪事至以禱藉田之神受告我後殃。昔生景反。釋曰言喪事者謂王喪也。後甸師氏於大祝取禱辭禱藉田之神嘗過也。代王受過災云。若云黍稷不香使鬼神不逞故令王死斂喪事代王受災此禱事於死王無益欲止後殃也。故為此禱也。注黍稷盛至後殃。釋曰言黍稷盛者祭祀之主也。者以其遭王喪遣甸師氏禱意甸師種黍盛祭祀之具以黍稷為主故云。今國遭大喪若云此黍稷不馨遲快也使鬼神不快於王令使王死云。既殯大祝作禱辭授甸人者知大祝作禱辭在既殯後者見大祝職云授甸人禱辭在大斂後大斂則殯故王之同姓有辜則死刑焉。鄭司農云知在既殯後。王之同姓有辜則死刑焉。王同姓有罪當刑者斷其獄於甸師之官也。文王世子曰公族有死罪則磬於甸人又曰公族無官刑獄成致刑于甸人又曰公族無官刑不踐其類也。刑于隱者不與。疏曰周姓姬言同姓者絕服之外同姓姬者有辜者謂凡五刑則刑殺不於市朝於此死刑焉。謂死及肉刑在甸師氏必在甸師氏者甸師氏在疆場多有屋舍以為隱處故就而刑焉。案掌囚云凡有爵者與王之同族奉而適甸師氏以待刑殺此中不云其凡有

爵者文不具。注鄭司至兄弟。釋曰云王同姓有罪當刑者斷其獄於甸師之官者此斷獄自是秋官罪定斷訖始適甸師氏而刑殺之若然斷獄不在甸師後鄭不破之者案掌囚云凡有爵者與王之同族奉而適甸師氏以待刑殺此經亦云死刑焉。甸師氏不斷獄顯然不破之者見司農引文王世子為證於義是故不復於中破之。文王世子已下云公族有死罪則磬於甸人者鄭彼注云懸縊殺之曰磬云又曰公族無官刑獄成致刑於甸人又曰公族無官刑不踐其類也者覆解上公族無官刑之義云刑于隱者不與國人慮兄弟者若刑兄弟於市朝則是與國人慮兄弟令於隱處者則是王使之同姓刑於甸師亦是刑隱者也。帥其徒以薪蒸。役外內饗之事。大曰薪小曰蒸。釋曰此纂要文又左氏傳云其人耕藉藉田千畝其事至閑故兼為外內饗所役使其薪蒸。注木大曰薪小曰蒸。釋曰此纂要文又左氏傳云其薪自然小者曰蒸也。獸人掌畧田獸辨其名物。畧田也。以罔搏所當田之獸。畧音古搏音博。

劉音付 疏 獸人至名物。釋曰云掌畧田獸者畧田也謂後同。疏 以罔搏取當田之獸云辨其名物者野獸皆有徒四時各有其二以為主無妨四時兼有罔取當田之獸冬

獸物凡獸皆可 疏 冬獻至獸物。釋曰云冬獻狼者狼山獸也及狐狸。疏 獸山是聚故狼膏聚則溫故冬獻之云夏獻麋者麋是澤獸澤主銷散故麋膏散則涼故夏獻之云春秋獻獸物者春秋寒溫適故獸物皆獻之。注狼膏至狐狸。釋曰云以救時之苦者夏苦其大熱故獻麋冬苦其大寒故獻狼案內則取稻米與狼鬪膏以為餉狼之所用惟據取膏為餉食若麋之所用則多矣云及狐狸者案內則狐去首狸去正脊二者並堪食之物故知獸物中兼獻時

田則守畧 俱畧反又作獲華霸反 疏 時田則守畧者防備獸時觸罔而攫者則取之 及弊田令禽注于

虞中 弊仆也仆而田止鄭司農云弊田謂春火弊夏車弊秋羅弊冬徒弊虞中謂虞人釐所田之野及弊田祖

虞旗於其中致禽而珥焉獸人主令田眾得禽者置虞人所立虞旗之中當以給四時社廟之祭故曰春獻禽以祭社夏

獻禽以享禴秋獻禽以祀祈冬獻禽以享烝又曰大獸公之小禽私之公之謂禴之於虞中珥焉者取左耳以致功若斬

首折馘故春秋傳曰以數軍實。弊如字徐蒲計反注之樹反仆音卜反一音芳豆反又音赴燈音來本亦作萊植直吏

反又時力反徐音裁珥徐如志反享許丈反劉音向後皆放此論由若反勅音方折之舌反馘古獲反數色主反一音所

疏 於虞中者田止虞人致旌旗於田處之中央注猶聚也獸人則令所田之眾大獸公之小禽私之者輸之聚於旌旗

之所故言注於虞中。注弊仆至軍實。釋曰鄭司農云弊田謂春火弊夏車弊秋羅弊冬徒弊並大司馬職文引之者

證弊田為田止之事云虞中謂虞人釐所田之野已下地官山虞職文言虞人萊所田之野者謂於教戰之所芟治草萊

云及弊田植虞旗於其中者熊虎為旗山多虎故用熊虎及弊田田止虞人植虞旗於中引之者證經虞中之事云致禽

而珥焉者謂田眾大獸公之者各割取左耳以擬効功云春獻禽以祭社至小禽私之亦司馬職文言春獻禽以祭社者

鄭彼注春土方施生云夏獻禽以享禴者夏陰氣始起鄭云

虞旗於其中致禽而珥焉獸人主令田眾得禽者置虞人所立虞旗之中當以給四時社廟之祭故曰春獻禽以祭社夏

獻禽以享禴秋獻禽以祀祈冬獻禽以享烝又曰大獸公之小禽私之公之謂禴之於虞中珥焉者取左耳以致功若斬

首折馘故春秋傳曰以數軍實。弊如字徐蒲計反注之樹反仆音卜反一音芳豆反又音赴燈音來本亦作萊植直吏

反又時力反徐音裁珥徐如志反享許丈反劉音向後皆放此論由若反勅音方折之舌反馘古獲反數色主反一音所

疏 於虞中者田止虞人致旌旗於田處之中央注猶聚也獸人則令所田之眾大獸公之小禽私之者輸之聚於旌旗

之所故言注於虞中。注弊仆至軍實。釋曰鄭司農云弊田謂春火弊夏車弊秋羅弊冬徒弊並大司馬職文引之者

證弊田為田止之事云虞中謂虞人釐所田之野已下地官山虞職文言虞人萊所田之野者謂於教戰之所芟治草萊

云及弊田植虞旗於其中者熊虎為旗山多虎故用熊虎及弊田田止虞人植虞旗於中引之者證經虞中之事云致禽

而珥焉者謂田眾大獸公之者各割取左耳以擬効功云春獻禽以祭社至小禽私之亦司馬職文言春獻禽以祭社者

鄭彼注春土方施生云夏獻禽以享禴者夏陰氣始起鄭云

象神之在內云秋獻禽以祀祈者鄭注祈當為方謂祭四方之神云冬獻禽以享蒸者冬陽氣始起亦象神之在內此祭並非四時常祭以出獵得禽牲因享祭之耳云大獸公之者謂已孕曰獸輸之於公小禽私之者未孕曰禽謂田泉得之以白入云若斬首折骸者田獵象戰伐田獵之時取禽左耳以効功若征伐之時於陳斬首折骸取左耳謂之骸亦以擬效功故云若斬首折骸又引春秋傳曰者案襄二十四年楚遺啓疆如齊聘齊侯祭社蒐軍實使客觀之注云蒐數軍實兵甲器械與隱公傳三年而治兵數軍實一也引之者證斬首折骸為軍實若然注傳兵甲器械與斬首折骸不同者兵甲器械自為軍實至於斬首折骸亦是軍實仍於生孰因俘亦為軍實是以僖公三十三年晉捨秦囚先軫曰墮軍實是也

祭祀喪紀賓客共其死獸生獸 完者 **凡獸人**

于腊人 當乾 **疏** 凡祭至腊人。釋曰凡此所共者於庖人云凡其死生蠶蕘之物以共王之膳

凡獸入於腊人是其不完者故知此是完者 **皮毛筋角**

入于王府 給作器物 **疏** 皮毛至王府。釋曰獸人所得禽獸其中皮毛筋角擇取

凡田獸者掌其政令 **疏** 凡

堪作器物者送入於王府擬給百工飾作器物

獻人掌以時獻為梁 月令季冬命漁師為梁鄭司農

承其空詩曰敝笱在梁。偃於建反 **疏** 獻人至為梁。釋曰

徐本作偃一返反空成音孔下同 **疏** 言以時獻為梁者謂

一歲三時取魚皆為梁以時取之故云以時漁為梁。注月

令至在梁。釋曰案月令季冬云命漁師始魚天子親往此

注云季冬命漁師為梁文句不同者鄭以此經有梁字故於

月令以義取之非是月令正文鄭司農梁水偃也偃水為關

空以笱承其空者謂偃水兩畔中央通水為關孔笱者葦簿

以簿承其關孔魚過者以簿承取之故詩云敝笱在梁彼齊

詩云弊敗之笱在於魚梁其魚唯唯過者無制彼喻文姜與

襄公淫通來往不制又魚麗詩云魚麗于罍鱣鱣注云罍曲

梁寡婦之笱笱即曲簿也 **春獻王鮪** 王鮪鮪之大者月

引之者證梁以笱為之 **疏** 鮪鮪之大者云獻者獻於廟之寢故鄭注引月

廟。鮪。春獻王鮪。釋曰謂季春三月春鮪新來言于

位。鮪。鮪鮪之大者云獻者獻於廟之寢故鄭注引月

令云薦鮪於寢廟取魚之法歲有五案月令孟春云獺祭魚此時得取矣一也季春云薦鮪於寢廟即此所引者二也又案鼈人云秋獻龜魚也王制云獺祭魚然後虞人入澤梁與孝經緯援神契云陰用事木葉落獺祭魚同時是十月取魚四也獺則春冬二時祭魚也案潛詩云季冬薦魚與月令季冬漁人始魚同五也是一歲三時五取魚唯夏不取案魯語云宣公夏濫於泗淵以辨魚物為鱣鼈以共王膳其非時里華諫之乃止辨魚物為鱣鼈以共王膳羞鮮生也鼈乾也。鼈。辨魚至膳羞。釋曰此所本又作槁苦老反。凡

祭祀賓客喪紀共其魚之鱣鼈凡獻者掌其

政令凡獻征入于玉府 鄭司農云漁征漁者之租稅漁人主收之入于玉府

凡祭至玉府。釋曰云凡祭祀賓客喪紀共其魚之鱣鼈者此所共者其內外養以其膳夫即不掌祭祀之事云凡獻者掌其政令者凡取魚者所有政令皆漁人掌之以其知取之時節及處所云凡漁征入于玉府者言漁征者謂近川澤之民於十月獺祭魚之時其民亦得取魚水族之類其中鬚骨之事堪飾器物者所有征稅漁人主收之送入于玉府以當

也 邢賦

鼈人掌取互物 鄭司農云互物謂有甲齒胡龜鼈之屬。互戶故反干云對也請莫干反

疏 注鄭司至之屬。釋曰此文與下為目所取之物者即下經所云是也

龜蜃凡狸物 蜃大蛤鄭司農云籍謂以叔刺泥中搏取謂狸物亦謂鱣刀含漿之屬。籍戚勅角反劉倉伯反徐倉格反沈拾昔反籍莊子云冬則擣鼈於江擣音又角反義與此同今從彼讀蜃上軫反干

春獻鼈蜃秋獻龜魚 其此出在淺處可得之。疏 以時至龜魚。釋曰言以時者即下時魚亦謂自狸藏。經春獻鼈蜃其然籍魚鼈據所取下

月令云雉入大水化為蜃者是也對雀入大水化為蛤為小

蛤鄭司農云籍謂以叔刺泥中搏取之者司農意以籍為刺

此經魚鼈龜蜃皆在泥中水中故以叔刺取之狸物龜鼈之

屬者案經龜鼈自類別言狸物司農狸物中更言龜鼈者但

經或所言狸物者擣龜鼈之等故司農重以龜鼈為狸物之

謂狸物亦謂鱧刀含漿之屬者案爾雅刀魚鱧刀也蚌含漿
與鱧別非鄭意。注此其至狸藏。釋曰鄭云魚亦謂自狸
藏者若不自狸藏則在上漁人取之矣故知此魚與龜鼈是
自狸藏也。祭祀共贏贏蚺以授醢人。贏蚺輸鄭司農
春云贏蚺也。蚺蚺子國語曰蟲舍蚺蚺。贏薄佳反徐又父
幸反贏即戈反蚺直其反徐長黎反蚺蚺子蚺音夷又音移
輸音由又音榆蚺字又作蚺蒲項反又蒲杏。疏祭祀至醢
反蚺宜綺反舍音捨蚺悅全反字林允絹反。疏人。釋曰
案醢人有贏醢蚺蚺故以此三者授醢人。注贏蚺至蚺
蚺。釋曰贏蚺蚺蚺者一物兩名司農云贏蚺也者杜子春云
為醢國語曰蟲舍蚺蚺者此亦是國語諫宣公之言謂夏蟲
內捨去蚺蚺蚺此經蚺也。掌凡邦之籍事。謂蝗也與蚺別連引之也。

腊人掌乾肉凡田獸之脯腊臠胖之事。大物解
謂之乾肉若今涼州烏翅矣薄折曰脯捶之而施。疏腊人
薑桂曰鍛脩腊小物全乾。肆勅力反捶之藥反。疏腊人

事。釋曰云掌乾肉已下文者並是獸人所法獸人云凡獸
入於腊人。注大物至全乾。釋曰云若今涼州烏翅者解
肉乾之狀也云小物全乾者案特牲云陳鼎于門外櫛在其
南南順實獸于上又云宗人舉獸尾告備是其全者士用兔
是其小物全乾少牢用麋不云舉獸尾則未全若然則天子
諸侯之所用雖無文其獸必大亦不必全今云全者據有全
者耳趙商問腊人掌凡乾肉而。凡祭祀共豆脯薦脯
有臠胖何鄭荅雖鮮亦屬腊人。凡祭祀共豆脯薦脯
臠胖凡腊物。脯非豆實豆當為羞聲之誤也鄭司農云
為版又云臠胖皆謂夾脊肉又云禮家以胖為半體玄謂公
食大夫禮曰庶羞皆有大者此據肉之所擬祭者也又引有
司曰主人亦一魚加臠祭于其上此據主人擬祭者臠與大
亦一也內則曰麋鹿田豕麇皆有胖足相參正也大者臠之
大臠臠者魚之反覆臠又詰曰大二者同矣則是臠亦臠肉
雖其有為孰之皆先制乃亨。豆音羞胖音半反杜音版夾
戚古洽反劉古協反食音嗣麇京倫反覆芳服反臠而甚反
爛徐廉反。疏注脯非至乃亨。釋曰知脯非豆實者案籩
亨普庚反。人職有栗脯則脯是籩實故云脯非豆實也

知豆當為羞者案遵人職云凡祭祀共其邊薦羞之實鄭云未飲未食曰薦已飲已食曰羞羞薦相對下既言薦脯明上當言羞脯也鄭司農云膾膾肉鄭大夫胖讀為判杜子春讀胖為版又云膾胖皆謂夾脊肉又云禮家以胖為半體者文無所出皆非也立謂公食大夫禮曰庶羞皆有大者此據肉之所擬祭者也又引有司曰主人亦一魚加膾祭於其上者此據主人擬祭者也膾與大亦一也內則曰麋鹿田豕膾皆內則明胖與膾不同故云足相參正云大者裁之大鬻者玄解公食大夫云膾者魚之反覆者反覆謂魚生時在腹下今加之於上云膾又註曰大者據爾雅釋詁文云二者同矣者大共膾同是一則膾是腍肉大鬻同將祭先也云胖宜為脯而腥謂肉薄不煮者云胖之言片析肉意者此解胖是薄義云禮固有腥臠爛雖其有為執之者祭祀之禮臠解而腥之又有體解而爛之又有薦孰之禮禮經固有此三者皆當先制為胖言此者證胖與膾不同破諸家之意

賓客
賓客至之事。釋曰此所共者

喪紀共其脯腊凡乾肉之事

○附釋音周禮注疏卷第四終

周禮注疏卷四技勘記

阮元撰盧宣旬摘錄

膳夫

羞用百二十品

唐石經作羞用百有廿品朱本余本嘉靖本毛本百下皆有有字疏中引經同此本及閩監本脫石經考文提要云宋本九經宋纂圖互注本宋附釋音本余仁仲本皆有有字

醯人共壅菹醢物六十齏

嘉靖本閩本同監毛本醢誤醢醢人職作齊菹醢人注云齊當為壅故注引作壅

稌黍稷梁麥苽

朱本同誤也余本嘉靖本閩監毛本梁作梁從米當訂正此本疏中亦從米

水漿醴醕醢醢

釋文醢本又作涼醢作醢案當當作醫釋文亦訛

此羞庶羞口出於牲及禽獸

閩本亦實闕一字監毛本編菹以苴之此本苴誤塗據閩監毛本訂正

周禮注疏卷四技勘記

塗之以瑾塗

此本堊誤瑾據閩本訂正監毛本誤瑾

漬取牛羊肉

今內則無羊字

以酒諸上而鹽之

閩監毛本酒改灑

舉焦其骨

閩監毛本焦改燠非案今內則作燠釋文舉焦字又作燠陸賈所據本正合焦字下已從

火更加火旁俗作也。按說文有燠字

彼有糝與餼

浦鐘云內則餼作醢注云此醢當從餼案醢人注引內則已作餼

鼎俎奇而籩豆耦者

閩監毛本耦作偶依今本郊特牲改

明知先朝食

惠按本明作則此誤

案聘禮致饗餼注云

浦鐘云注衍

云牛羊豕魚腊腸胃同鼎

云當衍

當內兼腳臄曉

此本兼誤廉據閩監毛本訂正

案論語微子云亞飯三飯四飯

閩監毛本飯改飯今論語同案此引論語三飯

字當皆作飯此改之未盡者耳

以樂徹于造

唐石經諸本同禮說云大祝注故書造作竈然則古文造竈通吳越春秋勒馬銜枚出火于造

吳語造作竈所謂係馬舌出火竈龜策傳灼鑽之處亦以造各注造音竈本此

案文王世子未有原

監毛本同浦鐘云未誤未案嘉靖本禮記作未釋文正義皆作未

案玉藻云朔食加日食一等

盧文昭云此約玉藻文云當衍

齊時不樂故不言以樂侑食也

浦鐘云者誤時從儀禮經傳通解續技毛本侑

誤侑

春秋傳曰司寇行刑者

浦鐘云戮誤刑案賈疏所據鄭注本蓋作刑故注云大故刑殺

周禮疏注家兩交助記

也

主人飲食之俎皆為胙俎

諸本同宋本為作有案上云賓客食而王有胙俎又此疏云特

牲少牢主人之俎雖為胙俎直是祭祀不兼賓客此則祭視賓客俱有然則為當作有矣

稍事為非日中大舉時而開食

孫志祖云為當作謂疏作謂可證

若大夫已下燕食有脯無會

闕監毛本已作以浦鏜云膾誤會

庖人

破司農六畜之內

案畜為禽之誤

味以不褻為尊

葉鈔釋文褻作褻監毛本疏中亦作褻此從執

凡其至之義

闕監毛本作凡其至膳羞此誤

云賓客之禽獻者謂若掌客上之乘禽日九十雙

闕本同監

毛本獻誤獸浦鏜云掌客上公云誤之

解經令禽以法授之

浦鏜云禽下脫獻

又以此付使者

浦鏜云此下脫書

夏行腍鱠膳膏臊

漢讀考云說文鱠作腍魚部云鱠魚臭也引周禮膳膏臊而肉部云臊豕膏臭也然

則周禮作膏臊臊非魚膏明矣魚部鱠下當云讀如周禮膳膏臊案周禮諸本不同說文引經每兼存異本蓋膏臊一作膏鱠而其義為魚臭與鄭以為豕膏臭一義則許氏所據古文於鱠下引周禮於臊下止存豕膏臭一義則許氏所據古文本作鱠禮說云晏子春秋曰食魚無反惡其鱠也凡鮓鱠從魚者皆言魚則許氏以膏鱠為魚膏矣案肉則釋文云鱠本又作膾與說文引周禮合

云用禽獻謂煎之以獻

案煎下脫和

唯王及后之膳禽不會

唐石經諸本同宋本后下有世子二字係妄增案注云世子可以會之故

經不言世子也

內養

肉物裁燔之屬

諸本同宋本燔作膳案釋文膳音燔本亦作燔宋本與釋文合是也賈疏引注作燔

謂士虞禮云四肆去蹄

浦鐘云喪誤虞闕本闕下二字

實鼎曰胥

宋本胥作胥非諸本皆作胥從丞從肉釋文胥職升反

以得饋王

案上云俟待也此得為待之誤

鳥曠色而沙鳴

唐石經諸本同釋文曠本又作曠案玉篇曠黃白色从牛鹿聲白部無曠字鄭注云牛色不澤美則音从陸本作曠石經作曠非惠按本作曠據釋文也今禮記內也作曠而釋文作庶云本又作曠知曠為俗字

唐石經諸本同釋文臂徐本作辟惠按本般作般以意改非九經古義云北山經諸

馬黑脊而般臂

唐石經諸本同釋文臂徐本作辟惠按本般作般以意改非九經古義云北山經諸

毗之水其中多水馬其狀如馬文臂牛尾郭璞注臂前脚也周禮曰馬黑脊而斑臂腹案釋文般音班注云臂毛有文是亦讀般為斑也古般斑通郭氏以今字讀之故引作斑

泠毛毛長總結也

宋本嘉靖本同此絲總字與皆摠字有別閩監毛本摠總二字並改作總矣浦

鐘云總結也上脫毳字案疏釋經曰云羊泠毛而毳羶者泠毛謂毛長也而毳謂毛別聚結者則浦說是也○按浦

說非也賈疏添毳字誤耳說文曰毳者獸細毛也泠毛謂

毳之長而總結長而總結自是釋泠非釋毳也經文此句

法若云其毳也乃泠毛而毳者獸所同泠毛而毳則所

異耳內則注亦云泠毛毳毛別聚於不解者也可以相證

彼疏云泠謂毛本稀泠毳謂毛頭毳結其誤同此疏

腥當為星

漢讀考云許叔重說腥為犬膏之臭腥為星見食豕令肉中生小瘡肉故其字從肉星星亦聲

則腥為正字而腥為周禮腥臊之正字許所據周禮與鄭

所據不同

肉有如米者似星

漢讀考云似星當作日星謂肉有如米者謂之星如飯之粲也案爾雅米者謂

之槩郭注云飯中有腥亦以腥為正字

言辨腥臊者

浦鐘云脫羶香二字

以腥臊羶香表見云牛羊犬雞也

案云衍

云是別不可食者則此是也

閩本同監毛本則改卽非浦鐘云別下脫其

宜破交睫腥之腥

浦鐘云宜當直字誤

牛在手曰楛

浦鐘云木誤牛

凡掌共羞脩刑膾胙骨鱠

說文肉部膾下引周禮有膾胙案此注云胙如膾而腥者許蓋讀胙

為判以為半體肉也膾人薦脯膾胙鄭大夫胙讀為判與許同杜子春云禮家以胙為半體鄭君云胙之言片也皆與判義相近

外饗

凡賓客之飡饗饗食之事亦如之

唐石經嘉靖本飡作飡

致禮於客

疏引注作致禮於賓客惠技本據增云余木仍無賓字

宰夫職以釋訖

浦鐘云以當已字誤

至五長有功者

浦鐘云五當伍誤

謂其殷奠及虞耐之祭

浦鐘云其衍

享人

大羹肉滂

宋木余木嘉靖本並同釋文肉滂去反浦鐘云滂誤滂六經正誤云滂肉汁也从泣聲也从

肉義也非從聲首之音案經典及釋文多作滂自有毛居正說俗人每改滂為滂矣

皆是陪鼎臠臠臠

浦鐘云謂誤皆從儀禮通解續校

甸師

耨芸芋也宋本芸作耘案釋文芸音云本或作耘疏云耕種耘耨於王之藉田蓋釋文作芸賈疏作耘今本注及疏作芸係依釋文改

齋盛祭祀所用穀也案齋亦當為粢肆師表齋盛注案六穀也在器曰盛是經

作齋盛注皆作粢盛疏云六穀曰粢在器曰盛以其祭祀故云粢盛易齋盛為粢盛本注也此及春人注同經作齋非漢讀考云小宗伯辨六齋之名物注曰齋讀為粢六齋謂六穀黍稷稻粱麥苽全經內齋字當以此例之案甸師注粢盛者祭祀之主也

三推而一廢案廢為墜字之誤浦鐘云墜誤發下並同是也關監毛本並改發

示有恭敬鬼神之法惠校本有作相

縮浚也諸本同釋文浚也荀順反劉思順反浦鐘改浚為浚云浚誤浚謬甚浦鐘之書多不可據者

不貢苞茅嘉靖本苞作包此本疏引左傳亦作包關監毛本改苞案苞苞苞裏字多從艸而左傳及說文

苞下引春秋傳皆作包茅蓋从省。按版本多依舊不同作包未為非也

柱子春讀為蕭漢讀考云為當作從几二本字異而用一廢一曰從

故既薦然後炳蕭岳本闕本同與禮記合嘉靖本監毛本及釋文炳作炳誤郊特牲作故既奠注云謂薦孰時也此以義引之故作薦

縮酒沛酒也葉鈔釋文嘉靖本闕本皆作沛此本誤沛今訂正監毛本沛作沛

注鄭司農至縮酌闕本同監本刻改大夫二字則本作司農也毛本則竟作大夫矣案賈本注鄭大夫蓋作鄭司農此本疏中亦俱作鄭大夫惟此標起至處改之未盡

司馬職百里為遠郊惠校本職作法此誤

代王受過災云浦鐘云云疑者字誤

令使王死惠校本令作今

釋曰周姓姬 閩本姓字模糊監毛本誤作禮

甸師氏在躡場 惠按本場作場此誤

獸人

罟罔也 閩毛本同監本罔改網

以救時之苦也 宋本無也非

備獸觸攫 諸本同釋文觸攫俱縛反又作獲華霸反案作攫非也此本補刻攫下衍攫疏中觸罔而攫攫

謂虞人釐所田之野 釋文釐所音來本亦作萊案山虞職之作萊者依彼經所改疏云言虞人萊所田之野者謂於教戰之所芟治草萊是賈本作萊也
夏獻禽以享禴秋獻禽以祀祊 浦鏜云大司馬職云祊下獻作致

若斬首折馘 宋本下有也

蒐數軍實兵甲器械 閩本同監毛本數誤數浦鏜云案杜注閱數軍器此所引蓋服氏注

敝人

梁水偃也 釋文水堰徐本作堰案說文仁衰徐有所依藏也从匕上有一覆之匱匱也人部偃云偃也
水偃字當從徐本作堰

故云以時漁為梁 閩監毛本漁改魚

命漁師始魚 浦鏜云始漁誤始魚下疏同

笱者葦簿 閩監毛本簿作簿下曲簿同

此時得取矣一也 此本一誤○據閩監毛本訂正

里華諫之乃止 閩監毛本同魯語作里華○按里華即史克克革古音同部華字非也

以其膳夫即不掌祭祀之事浦鏜云膳夫下脫共王之膳羞五字從儀禮通解續

鼈人

謂有甲菡胡閩監毛本同誤也宋本余本嘉靖本菡作菡當訂正釋文菡莫于反禮說云月令其蟲介高誘注介甲也象冬閉固皮漫胡也菡漫音義同

以時簠魚鼈龜蜃

唐石經諸本同說文手部簠刺也從手簠省聲周禮口簠魚鼈禮說云魯語簠魚鼈以為夏稱作簠莊子冬則獨鼈於江作獨列子牢簠庖廚之物作簠般敬順釋文謂簠本作簠案作簠為正字作簠為聲借字說文謂簠從手簠省聲故列子竟省手作簠也

簠謂叔刺泥中搏取之

宋本嘉靖本閩監毛本叔作叔米本作叔從手釋文通志堂作叔米本載音義作叔此本補刻叔誤叔今訂可

皆在泥中水中

閩監毛本無上中

但經惑所言狸物者

監毛本同誤也閩本惑字實闕或作意

案爾雅刀魚鱖刀也

惠校本刀魚作鯪此誤又分為一子

案醢人有麤醢羸蚘醢

浦鏜云羸下脫醢

蚌即蛤

惠校本下有也此脫

此亦是國語諫宣公之言

案國語當作里革

膳人

凡田獸之脯腊臠胖之事

唐石經諸本同案臠胖之事四字疑衍文下經薦脯臠胖字胖字

始有注若於此先言臠胖二鄭杜氏康成當於此下注矣釋文出胖字音於豆脯之下則陸本尚未誤衍儀禮士冠禮疏引膳人云掌乾肉凡田獸之脯腊鄭注云大物解肆乾之云云無臠胖之事四字此為誤衍之明證此疏引趙商問膳人

掌几乾肉而有臠胖何亦據下文言之

若今涼州烏翅矣

諸本及漢制同惠士奇云烏當作鳥盧文弼案士禮加爵弁如初儀疏引

此注作烏翅誤本耳

庶羞皆有大者此據肉之所擬祭者也又引有司曰主人

亦一魚加臠祭于其上此據主人擬祭者臠與大亦一也

余本岳本閩監毛本同宋本上下有者案此皆因疏語誤衍也嘉靖本庶羞皆有大有無者此據肉卜二字加臠于其上下無此據主人十三字當據此刪正

胖之言片也

玉篇肉部引作胖之言半也非下云析肉意也當作片。案古書片半通用其音義皆同

杜子春讀胖為版

監本版作版

元解公食大夫

惠校本作重解此誤

禮經固有此三者

此本經誤堅據閩監毛本訂正

附釋音周禮注疏卷第四

唐石經周禮卷第一宋本余本嘉靖本同此本及閩監毛本刪此題

下悉準此不復出

周禮注疏卷四校勘記終

不與平北下齊用
附音音亦無封如卷四
本本同北本又即
本本同北本又即
本本同北本又即

南昌表泰開校

